

李文忠公全書

奏稿

卷

七十三

李文忠公奏稿

卷之七十二目錄

巡閱海軍竣事摺

光緒十七年五月初五日

煙臺膠州添築礮臺片

光緒十七年五月初五日

籌辦關東鐵路摺

光緒十七年五月二十四日

請添威海大連灣水雷摺

光緒十七年七月初二日
附清單

威海添礮籌費片

光緒十七年七月初二日

續收各省賑捐摺

光緒十七年七月初二日

再請優卹吳毓蘭片

光緒十七年七月初二日

荒地旗產升科摺

光緒十七年七月二十二日

威海添建學堂片

光緒十七年七月二十二日
附清單

曹克忠起病片

光緒十七年七月二十二日

郭嵩燾請付史館摺

光緒十七年七月二十二日

電報洋教習請獎片

光緒十七年七月二十二日

北洋電綫報銷摺

光緒十七年七月二十八日

請籌還張曜洋債摺

光緒十七年七月二十八日

覆奏停購船械裁減勇營摺

光緒十七年八月初八日

史克寬請開復片

光緒十七年八月初八日

海防練軍請銷摺

光緒十七年八月十九日

吳毓芬請卹片

光緒十七年八月十九日

奏明購買鑄鋼機器水腳片

光緒十七年八月二十七日

喜昌請建祠片

光緒十七年八月二十七日

李文忠公奏稿卷七十二

全集一之七十二

桐城吳汝綸編錄

巡閱海軍竣事摺

光緒十七年五月初五日

奏爲會同校閱海軍並查勘各海口臺塢工程事竣恭摺覆陳仰
祈

聖鑒事竊北洋海軍自光緒十四年成軍以後現屆三年係第一
次校閱之期特蒙

簡派臣鴻章臣曜認真會校當將起程日期先後各奏明在案臣

鴻章卽於四月十六日率同水陸營務處直隸臬司周馥津海關
道劉汝翼等由大沽乘輪出海北洋海軍提督丁汝昌統率所部
定遠鎮遠濟遠致遠靖遠經遠來遠超勇揚威平遠康濟威遠廣
甲各艦及南洋統領前壽春鎮總兵郭寶昌所帶之寰泰南琛開

濟鏡清南瑞保民六艘隨同放洋十七日駛抵旅順臣曜先期行
抵煙臺亦於是日渡海會齊十八日校閱四川提督宋慶所部毅
軍八營演習德國陸操日臻純熟步武鎗法一律整齊旋閱記名
提督黃仕林總兵張光前所部親慶六營兼習英德操法亦稱精
練各軍演放鎗礮有準十九日查看新建大石船塢全塢皆用大
塊條石壘以外洋塞們德士隄外大石澳周圍泊岸俱用條石壘
砌西面攔潮壩與南面泊岸相連並極堅固隄傍設機器廠庫十
四座大小電燈四十六座建鐵碼頭造大鐵道通連廠庫以便起
卸轉運物料澳東建小石船塢以便修理雷艇駁船其工程之艱
鉅布置之詳密臣鴻章前於工竣驗收摺內已縷悉陳明今復逐
加履勘工段做法一一符合新授安肅道劉含芳擬定善後章程
均極周妥此後北洋各艦隨時入塢修理無須遠借異國洵爲一

勞永逸之計連日閱看東西兩岸各礮臺其工程形勢十二年四月間

醇賢親王於巡閱北洋摺內曾經奏明歷經培修益增完固礮勇打靶亦能中的兩岸後路水陸師子藥各庫累年儲備頗極精詳旋派員考校魚雷水雷兩學堂該學堂爲雷學根本各口皆取資於此肄業各生多穎異勤謹之士弁兵等耳濡目染條對無遺尋在西岸試放水雷海水激立數十丈足稱守口利器二十一日開赴大連灣北洋各艦沿途分行布陣奇正相生進止有節夜以魚雷六艇試演泰西襲營陣法兵艦整備禦敵攻守並極靈捷頗具西法之妙次日駛往三山島調集各艦魚貫打靶能於駛行之際命中及遠旋以三鐵艦四快船六雷艇演放魚雷均能中靶南洋各艦隨同布陣打靶亦尙可觀連日察看河北鎮總兵劉盛休所

部銘軍新築和尚島老龍頭黃山徐家山各處礮臺六座仿照外洋新式曲折堅固後面兵房子藥庫純用條石砌成前牆厚培素土寬至十數丈足禦敵彈老龍頭一座轟山拓地以作臺基用力尤鉅二十五日開赴威海衛閱看候選道戴宗騫所部綏鞏軍新築南北兩岸各礮臺於原估北岸之北山嘴祭祀臺兩處外添築黃泥巖礮臺一座以便居中策應又於南岸龍廟嘴鹿角嘴兩處外添築趙北口大礮臺一座以便向外迎擊均得形勢做法堅固足與大連灣各臺相埒劉公島橫據口門勢甚扼要副將張文宣所帶護軍於島北新築地阱礮臺鑿山通穴夾層隧道安設二十四生特後膛礮機器升降靈速非常能狙擊敵船而礮身蟄藏不受攻擊爲西國最新之式又於劉公島西接連黃島上設礮臺一座跨海通道工力尤艱島南相距七里之曰島矗立水中亦設地

阱礮臺與南岸趙北嘴礮臺相爲犄角鎖鑰極爲謹嚴臣等詳察
大連灣威海衛布置情形地勢臺工均甚得力惟訂購礮位尙未
到齊後路營庫各工仍須隨時添設當飭劉盛休戴宗騫督率營
勇加意工作期臻完善劉公島爲水師各艦寄棹上煤之所道員
龔照璵創造大鐵碼頭用厚鐵板釘成方柱徑四五尺長五六丈
中灌塞們德土凝結如石直入海底較之各處所設鐵碼頭工程
尤鉅調閱綏鞏八營陸操兼看洋鎗打靶中至九成以上旋派員
考校劉公島水師學堂學生等日習風濤筋力堅定於幾何算學
頗能默會貫通嗣調集各兵艦小隊登岸操演陸路鎗礮陣法精
嚴快利旋轉如風爲各處洋操之冠旋令威遠敏捷廣甲操使風
帆一律便捷是夜合操水師全軍萬礮齊發無稍參差西人縱觀
亦皆稱羨二十九日開赴膠州次日由黑水洋抵澳詳閱形勢輪

船進口係向西行青島在北陳家島在南相距六里既進口轉向
北行坦島在東黃島在西相距七里澳內周圍百餘里可泊大隊
兵艦口門係屬灣形從東至北環山蔽海形勝天成實爲旅順威
海以南一大要隘臣等籌商辦法已於月片具陳五月初一日臣
曜卽於膠州登陸取道青州回省臣鴻章仍由海道於初二日北
駛煙臺調閱漢中鎮總兵孫金彪所部嵩武軍四營陸操整齊靈
變陣法純熟可稱勁旅初三日駛回大沽察看南北兩岸礮臺並
校閱署大沽協副將羅榮光記名總兵劉祺副將史濟源所帶各
營卽由輪車馳抵天津此行往返十有八日周歷海道三千餘里
惟煙臺至大沽途次午後驟遇颶風直至中夜船身傾側進水危
險殊常幸獲無恙此外所至俱值天氣清明得以逐一履勘剋期
竣事水陸將弁胼胝力作亦能各盡所長伏念中國創辦海軍實

惟

醇賢親王注意經營之舉臣鴻章前此隨同巡閱北洋各口曾蒙將布置情節於覆

命疏內詳細

上聞而於陸軍之不可輕裁船艇之尙須添置學堂之必應推廣尤三致意洵爲遠慮深謀其時英德四快船訂購未到大連灣威海衛亦未辨防今則兩處臺壘粗成移軍填紮北洋兵艦合計二十餘艘海軍一支規模略具將領頻年訓練遠涉重洋並能衽席風濤熟精技藝陸路各軍勤苦工操歷久不懈新築臺壘鑿山填海興作萬難悉資兵力旅順威海添設學堂諸生造詣多有成就各局仿造西洋棉花藥栗色藥後膛礮連珠礮各種大小子彈計數各艦操習之需實爲前此中國所未有綜核海軍戰備尙能日

異月新目前限於餉力未能擴充但就渤海門戶而論已有深固
不搖之勢臣等忝膺疆寄共佐海軍臣鴻章職任北洋尤責無旁
貸自經此次校閱之後惟當益加申儆以期日進精強庶無負
醇賢親王歷年締造之苦心仰副

聖明慎重海防建威銷萌力圖自強之至意海軍各員弁頻年勤
苦不無微勞容臣等查明按照海軍衙門奏定章程擇尤分別保
獎以昭激勸所有會校海軍及查看各口臺隄工程緣由謹合詞
恭摺由驛具陳伏乞

皇上聖鑒訓示謹

奏

煙臺膠州添築礮臺片

光緒十七年五月初五日

再膠州海澳寬深口門緊曲昔年英法兵船犯津皆在威海大連灣停頓現在威大各口修築礮臺水師相依俱成海防重鎮若有敵船遠來必求一深水船澳停駐之處至於乘隙登岸陸路內犯之說尤可慮也是膠澳設防實爲要圖光緒十二年臣鴻章隨同醇賢親王閱海曾論及膠州必應置守惟經費支絀擬俟威大事竣趕籌續辦此次臣等會同前往詳審勘度形勢自應預爲經畫未可再緩又煙臺爲北洋通商三口之一中國沿海商岸南自瓊州北至營口俱已建置臺壘煙臺水深口寬尙無建置實不足以壯聲威況威海旣爲海軍屯駐口岸煙臺相距百餘里係威防後路不容一隙之疏或謂通商海口一二國啟衅不能擾累各國商務而甲申法人犯甯波卽商岸也臣等查煙臺十里外僅有通伸

岡一臺距口門過遠雖置巨礮亦難遙擊惟歸岱山與崆峒之朶
兩島鼎峙海門天然關隘歸岱背山面海尤爲輪船進口必經之
路亟應先在歸岱築礮臺一座並於東南相連之玉帶山添築礮
臺一座以便策應之朶崆峒從緩添置似此則黑水洋迤北深水
船澳悉有守禦使敵船北來無可停泊之地渤海千餘里固若長
城矣惟海軍衙門旣無款可撥戶部亦難另籌九仞一簣中墮堪
虞北洋爲

京畿門戶海防一日不密臣心一日不安現與臣曜籌計再四擬
將煙臺膠州口礮臺擇定基址酌量建築所需經費擬請將山東
海防捐截留作爲建築礮臺之費雖數目極微尙可分年興辦臣
曜仍當督飭司道隨時移緩就急務使告成有期其餘俟威海大
連灣工竣再行奏明接續籌辦所需布紮營隊擬就山東現有各

營抽撥毋庸添募以節經費是否有當謹合詞附片具陳伏乞
聖鑒訓示謹

奏

Blank manuscript page with vertical columns.

籌辦關東鐵路摺

光緒十七年五月二十四日

奏爲關東鐵路遵

旨次第籌辦各省奉撥鐵路經費請

飭先行解津濟用恭摺仰祈

聖鑒事竊關東鐵路前經臣疊商海軍衙門選派員匠分赴關內

外度地估費酌擬辦法由該衙門會奏本年三月十三日欽奉

上諭派臣督辦一切事宜力小任重惴懼莫名臣復飭勘地熟手

從直境之林西鎮至山海關止劃爲第一段詳細覆勘另繪分圖

呈候隨時指授遴派記名提督周蘭亭直隸候補道李樹棠爲官

路總辦住工督率分飭地方官妥爲照料現在由林西至山海關

相度之地業經插標釘樑派員查照時價公平議買飭直隸藩運

司將本年應撥銀五萬兩就近解津第爲數無多約計購地築路

訂料等項需費浩繁一經開工必須撥款源源應手斷不能稍有
停待此項奉撥經費部庫每年一百二十萬已據奏明按年照數
另款存儲當可指以應用惟部庫根本重地不妨稍緩支取須將
外省歲撥八十萬先行催解再隨時赴部庫請領昨准戶部將直
隸河南陝西山西四川山東湖北湖南江甯江蘇安徽浙江江西
廣東福建臺灣十六省應解鐵路經費酌定限期欠解處分奏准
通行飭遵各省自必如期籌解但部議限於五月以前解到一半
現將逾限尙未聞有起解之信部議令解交海軍衙門兌收再由
臣派員赴京請領展轉需時實恐緩不濟急擬請自本年起凡各
省報解鐵路經費由海軍衙門暨臣處隨時查案咨催徑解天津
以應急需而免周折臣於驗收後卽分咨戶部及總理海軍事務
衙門總理各國事務衙門查照每屆年終仍由臣將各省已解欠

解數目開單彙咨海軍衙門按照部章核明議奏似較直截至關
外奉省應行豫籌事宜臣前在大連灣晤商將軍臣裕祿已將大
概情形安晰籌議俟關內路工就緒再行次第商辦合併陳明所
有鐵路開辦及催收外省撥款各緣由恭摺由驛具陳是否有當
伏乞

皇上聖鑒訓示謹

奏

一
 二
 三
 四
 五
 六
 七
 八
 九
 十
 十一
 十二
 十三
 十四
 十五
 十六
 十七
 十八
 十九
 二十
 二十一
 二十二
 二十三
 二十四
 二十五
 二十六
 二十七
 二十八
 二十九
 三十
 三十一
 三十二
 三十三
 三十四
 三十五
 三十六
 三十七
 三十八
 三十九
 四十
 四十一
 四十二
 四十三
 四十四
 四十五
 四十六
 四十七
 四十八
 四十九
 五十
 五十一
 五十二
 五十三
 五十四
 五十五
 五十六
 五十七
 五十八
 五十九
 六十
 六十一
 六十二
 六十三
 六十四
 六十五
 六十六
 六十七
 六十八
 六十九
 七十
 七十一
 七十二
 七十三
 七十四
 七十五
 七十六
 七十七
 七十八
 七十九
 八十
 八十一
 八十二
 八十三
 八十四
 八十五
 八十六
 八十七
 八十八
 八十九
 九十
 九十一
 九十二
 九十三
 九十四
 九十五
 九十六
 九十七
 九十八
 九十九
 一百

卷之二

一
 二
 三
 四
 五
 六
 七
 八
 九
 十
 十一
 十二
 十三
 十四
 十五
 十六
 十七
 十八
 十九
 二十
 二十一
 二十二
 二十三
 二十四
 二十五
 二十六
 二十七
 二十八
 二十九
 三十
 三十一
 三十二
 三十三
 三十四
 三十五
 三十六
 三十七
 三十八
 三十九
 四十
 四十一
 四十二
 四十三
 四十四
 四十五
 四十六
 四十七
 四十八
 四十九
 五十
 五十一
 五十二
 五十三
 五十四
 五十五
 五十六
 五十七
 五十八
 五十九
 六十
 六十一
 六十二
 六十三
 六十四
 六十五
 六十六
 六十七
 六十八
 六十九
 七十
 七十一
 七十二
 七十三
 七十四
 七十五
 七十六
 七十七
 七十八
 七十九
 八十
 八十一
 八十二
 八十三
 八十四
 八十五
 八十六
 八十七
 八十八
 八十九
 九十
 九十一
 九十二
 九十三
 九十四
 九十五
 九十六
 九十七
 九十八
 九十九
 一百

請添威海大連灣水雷摺

光緒十七年七月初二日

奏爲威海衛大連灣兩海口添設水雷三營酌照向章核定名額
餉數恭摺仰祈

聖鑒事竊西洋新式水雷爲沿海守口利器能與該口礮臺互相
控扼則敵船不易深入是以各國均以此爲海防要圖北洋如大
沽北塘山海關旅順各海口節節設營專習以備不虞威海衛大
連灣南北相望乃北洋第一重門戶海上有事首當敵衝自銘軍
綏鞏各軍移兵分紮勦建礮臺累歲經營已成重鎮該兩處口寬
澳闊尤非相地扼要酌設雷營不足以資捍禦前因臺工繁鉅未
暇兼營現將竣工不容再緩臣於此次會閱海軍之際督同銘軍
統領河南河北鎮總兵劉盛休綏鞏軍統領候選道戴宗騫水陸
營務處甘肅安肅道劉含芳等詳細勘度威海一處與劉公島隔

海對峙分南北兩口北口水寬四里餘南口則日島矗立中央左
右復分兩口各寬五里是該處共有三口一片汪洋毫無攔阻除
綏軍原有水雷勇一哨係爲護營之用仍循舊辦理外今尙須分
設水雷三營大連灣一處口寬二十餘里口西之青泥窪西北之
老龍頭東北之小孤山皆屬海灣衝要亦非分設水雷三營不敷
布置雖雷營定章與陸營迥異每營員匠兵夫僅一百三十餘名
餉數較少然通籌現時餉力驟添六營實有未逮惟有於威海先
設二營一駐北口一駐日島之南於大連灣先設一營駐內口之
柳樹屯暫行居中控馭以壯聲勢而顧要防其餘三營將來應如
何分設仍視庫款之盈虛與防務之緩急再行相機核辦茲將先
設之三營飭據該鎮道等查照旅順水雷營章程酌擬名額餉數
詳經臣飭由海防支應局司道議覆前來臣查威海衛爲北洋海

軍根本重地大連灣爲旅順金州後路要口添布水雷最關緊要
昔年

醇賢親王巡閱海軍之時卽議創設雷營用意至爲深遠本年五
月臣等會閱海軍復奏奉

諭旨海口關係至要必須精益求精仍著切實講求認真經理等
因欽此

聖慮周詳曷勝欽服誠以善守者貴設險於重門善戰者先立身
於不敗若有礮臺而無水雷將何所恃以備緩急是威海大連灣
兩處雷營之設實今日刻不容緩之圖目前先設三營尤屬不能
再少該鎮道等所擬名額餉數係援照旅順水雷營向章量爲增
損名額雖有變更餉數實爲核減並飭教習水雷英員羅哲士參
以西洋各國規制斟酌變通期底於善計每營共設弁目兵匠人

等一百三十六員名月支薪糧公費柴草銀七百八十七兩有奇其考試加餉及常年操習應需購製雷電器具號衣旗幟暨一切活支款目難以預計自應查照大沽等處水雷營向章核實辦理此項雷營用款應卽照案在於北洋海軍經費內開支惟查海軍衙門奏定章程工需雜費內原定大沽等處水雷營及內河小輪船餉項歲需銀五萬六千兩聲明威海大連灣二處水雷營尙未設成經費不在此內現設三營內威海之北口一營大連灣之柳樹屯一營已飭該鎮道等挑募足額赴營操練所需月餉卽自光緒十七年七月初一日起支暫由本年北洋海軍經費內設法勻撥俟年底估計經費時再咨由海軍衙門核辦其威海之南口一營尙未募齊俟成營後起支報部又該雷營操陣設伏威海大連灣兩處各需小火輪船一號應卽援照大沽守雷等船成案飭由

大沽水師船塢估造俟造成後核定餉數另案奏咨所有擬請添設威海衛大連灣水雷三營酌定名額餉數緣由除分咨總理海軍衙門及戶兵工部查照外理合繕列清單恭摺具陳伏乞皇上聖鑒再威海大連灣各水雷營事屬創設將來如有應行變通之處及一切未盡事宜自當隨時奏咨以期周妥合併聲明謹奏

Blank columns for text.

Blank column for text.

Blank column for text.

Blank column for text.

Blank column for text.

Blank column for text.

謹將威海衛大連灣創設水雷營酌定每營員名餉數開列
清單恭呈

御覽

管帶一員月支銀五十兩

洋文幫帶一員月支銀二十八兩

武幫帶一員月支銀二十四兩

隊長五名各月支銀十三兩共銀六十五兩

雷目八名各月支銀九兩共銀七十二兩

管旗八名各月支銀五兩共銀四十兩

水衣雷兵七名一名七兩二名六兩四名五兩共銀三十九兩

雷兵七十二名分爲六隊每隊十二名內一等二名各月支銀四

兩二錢二等二名各月支銀三兩九錢三等四名各月支銀三兩

六錢新兵四名各月支銀三兩計一等兵十二名二等兵十二名三等兵二十四名新兵二十四名每月口糧銀二百五十五兩六錢

號令二名各月支銀六兩共銀十二兩

文案冊籍司事一員月支銀十四兩

雷庫官一員月支銀十六兩

水雷洋文學生二名各月支銀八兩共銀十六兩

棉藥庫兵二名各月支銀三兩九錢共銀七兩八錢

機器工匠四名一名十三兩一名七兩二名六兩共銀三十二兩

木匠四名一名六兩三名四兩共銀十八兩

正鐵匠二名各月支銀六兩共銀十二兩

副鐵匠二名各月支銀四兩共銀八兩

銅匠二名各月支銀四兩共銀八兩

油漆匠二名各月支銀四兩共銀八兩

長夫九名各月支銀二兩八錢共銀二十五兩二錢

全營油燭紙張公費月支銀二十兩

柴薪按全營一百三十六員名內除管帶幫帶文案司事學生工匠長夫不給外應按一百五名核算每名日支銀五釐四毫月共支銀十七兩一分

以上每營一百三十六員名共月支銀七百八十七兩六錢一分

國是夫不命於... 文職十十兩一分

... 文職二十兩一分

... 文職二十兩一分

... 文職二十兩一分

... 文職二十兩一分

威海添礮籌費片

光緒十七年七月初二日

再北洋沿海礮臺防營月支各項礮費數目前於光緒十二年四月奏准

敕部立案並將增減數目按季造冊咨部查照現在綏字鞏字等軍所修山東威海衛礮臺工竣應需大礮於光緒十五六年先後由外洋分批購到計德國克鹿卜二十四生脫後膛鋼礮十尊二十一生脫後膛鋼礮二尊十五生脫後膛鋼礮四尊英國阿摩士莊廠後膛地阱鋼礮二尊業經一律置設應支礮費爲隨時操練修理必不可少之需查照

奏定章程二十四生脫後膛礮每尊月給銀十二兩二十一生脫十五生脫後膛礮每尊均各月給銀八兩惟地阱大礮一項機器氣缸輪齒繁多經理油擦修護各事較他礮費用尤多前因北洋

並無此種新礮定章時未經議及當經飭據軍械局員比照二十四生脫礮核實酌加每尊月給銀二十兩均自設畢之日分別起支以資操練而重利器其尙有前在西洋訂購未到礮位俟運齊配設完竣再照章辦理據委辦綏鞏軍支應局直隸候補道張紹華詳請具

奏並請自光緒十六年四月起截至本年六月底止將發過各臺礮費銀兩照章附入綏鞏軍第四案造銷等情前來臣覆查無異除分咨各部查照外理合附片陳明伏乞

聖鑒敕部立案謹

奏

續收各省賑捐摺

光緒十七年七月初二日

奏爲直隸辦理賑務續收各省捐助銀兩恭摺奏報仰祈

聖鑒事竊查上年直隸各屬水災奇重工賑繁興庫儲極絀經臣

率屬倡捐一面函電各省協助並奏准開辦推廣賑捐藉資接濟

幸賴各省疆臣公忠體

國慷慨恤鄰率同文武各員倡勸集捐墊解鉅款俾濟急需已將

上年七月起截至十一月底止收過本省外省官紳商民捐項奏

報在案茲查自上年十二月起至本年三月底止除大學士臣張

之萬前浙江巡撫任道鎔福建藩司劉樹堂糧儲道陳鳴志鹽法

道龍錫慶前福建試用道傅廣日本橫濱中華會館董事譚國柱

等津商黃昭章江西臨江府知府王之藩廬陵紳士胡光鈞新建

縣職員段崇如職員何錫蕃蔡國楨朱葆成安徽節婦劉李氏天

津府知府鄒振岳龍門縣紳士司雲龍新嘉坡紳士吳進卿等共捐銀三萬七千兩業經先後奏請獎敘建坊外續經臣倡捐並收到各省將軍督撫及代辦順直賑捐各局暨本省官紳商富捐解直隸賑銀共八十五萬八千三百十二兩二錢八釐業經飭局兌收隨時撥放本年春賑需款正急兼之修濬各河培築各隄以工代撫用項浩繁均須及時籌辦幸賴各省竭力籌助源源接濟俾春撫春工得以分投興辦窮黎均沾實惠保全甚多所有官捐各款仍准照章移獎子弟其餘或由各省自行請獎或由直查取捐生履歷彙案咨部請獎以示鼓勵其三月以後收到捐項俟賑務告竣連同棉衣米糧數目再行奏報外所有本年三月以前續收各省賑捐銀數理合恭摺具陳伏乞

皇上聖鑒敕部立案謹

奏

奏

卷
一
十

其

再請優卹吳毓蘭片

光緒十七年七月初二日

再原任直隸天津道吳毓蘭前於光緒八年十二月據天津紳士王恩漑等臚陳政績又於九年二月據淮軍統將吳長慶等列敘戰功先後由臣奏請照原任臬司丁壽昌積勞病故例從優議卹並將事蹟

宣付國史館立傳於揚州建立專祠天津附祀曾國藩專祠奉

旨允准欽遵在案旋經吏部以核與丁壽昌議卹之案不符奏請更正鈔奏咨會前來臣查吳毓蘭自同治元年與其兄記名道吳毓芬募立華字營隨臣東下轉戰蘇浙疊克名城吳毓芬假歸該員卽代統所部四年東豫捻氛方熾日謀回竄臣令該員駐防揚州一帶六年諸軍會剿大捷於山東之壽光捻首賴汶洸突圍南趨追剿各軍皆在賊後該員率眾迎擊乘大風雨血戰一晝夜生

獲賴汝洸東擒遂平羣擒中惟賴汝洸爲粵匪餘黨蹂躪南北十數年各盜奉以爲魁其黨皆百戰之餘剽悍無敵沿江各城聞其將至一日數驚忽聞渠魁就擒中外詫爲奇功江淮之間人心始定前於肅清東擒案內曾將戰蹟詳細奏陳至該員前後所著戰功及在天津道任內政績疊經先後

上達久在

聖明洞鑒之中查臬司丁壽昌在任病故經臣奏奉

諭旨照軍營立功後積勞病故例從優議卹吏部以久離軍營改照承辦軍需積勞身故例復經臣援照原任臬司劉盛藻成案奏請仍照軍營立功後積勞病故例從優議卹奉

旨著照所請該部知道欽此仰見

聖朝軫念勞臣有加無已凡在將士欽感同深吳毓蘭曾統一軍

屢當大敵其戰功與丁壽昌等相埒而生擒逆首克竟全功實爲東南大局所關尤非尋常戰績可比身後蒙

恩建祠立傳所得

恩數與丁壽昌同一優異視劉盛藻固已過之而卹廕之例猶格於部議未能一律邀

恩恐非

朝廷追懷前績甄錄靡遺之意茲據淮軍將領葉志超等聯名呈請合無仰懇

天恩敕部將原任天津道吳毓蘭仍遵前奉

俞旨照軍營立功後積勞病故例從優議卹出自逾格

慈施理合附片陳請伏乞

聖鑒訓示謹

奏

聖皇台特與諸大臣

臣等聞聖旨立世宗廟後於廟前山出日土等

大臣等請將聖旨下於各處與諸國臣等

臣等聞聖旨

臣等聞聖旨立世宗廟後於廟前山出日土等

臣等聞

臣等聞聖旨

臣等聞聖旨立世宗廟後於廟前山出日土等

臣等聞聖旨立世宗廟後於廟前山出日土等

臣等聞聖旨

臣等聞聖旨立世宗廟後於廟前山出日土等

臣等聞聖旨立世宗廟後於廟前山出日土等

荒地旗產升科摺

光緒十七年七月二十二日

奏爲查出順直各項荒地並旗產升科頃畝銀數恭摺奏報仰祈
聖鑒事竊查順直各屬無糧黑地官荒民荒私墾隱種者爲數猶
少其旗圈地畝迷失多年無租無糧之地幾於接陌連阡更有旗
產一項從前旗人私自典賣民人私自承種年代久遠輾轉多手
無從究其來歷自兩次弛禁交產以後屢飭首報升科苦於吏胥
勒索勘辦稽延相率觀望查辦終無起色近年勢豪土痞藉端挾
制而隱種之戶多爲若輩魚肉經界不正獄訟繁興旗民因之交
困戶部洞悉此弊光緒十三年三月酌擬順直各屬議租議賦章
程聲明若不因時制宜恐

畿輔數千頃公私地畝租賦全歸無著奏准嚴飭各州縣遵照辦
理臣因事關全省利害必須妥慎籌辦方可推行盡利當經斟酌

民情事理酌量變通辦法期與部章民隱兩不相妨咨部核准飭令各屬自十五年五月起一體實心查辦並嚴禁書役索擾留難一洗從前錮習小民方樂於從事紛紛首報多而且速查勘明確卽行議定租賦咨部頒照收執旋准部咨光緒十五年十二月二十八日奉

上諭嗣後宗室八旗京屯田產無論老圈自置永遠不准賣與民人至從前民置旗地已經升科報部者仍准執業其已投稅升科尙未報部及已經交產有契尙未投稅升科者均自此次降旨之日起予限六箇月一律升科等因欽此仰見

聖主於顧念根本之中仍寓體恤閭閻之意凡在臣民同深欽感卽飭各屬出示嚴禁規復舊制以保旗人生計其民置旗地在奉旨以前催令一律升科嗣因旗產限滿尙有多案未結奏明於定

限六箇月之外再行展限一年俾得澈底清查以裕賦課現因正
展各限截至本年五月底屆滿據藩司裕長將查辦各項荒地並
旗產升科頃畝銀數開摺詳報前來臣查光緒十五年五月起至
是年年底止查出順直各項地畝原報三千餘頃內除順屬各州
縣詳辦未結新舊各案其地一千一百五十七頃餘畝土草房十
六間莊窠十二塊已由司詳經府尹臣自行飭辦外計由司造冊
達部核准頒照官荒旗荒民荒其地一千二百八十四頃一十畝
零每年應徵正耗銀五千四百五十八兩零旗產地一千一百四
頃九十二畝零其徵正耗銀三千二百六十八兩零又自十六年
正月起至十七年五月底止查出直屬共造冊達部核准官荒旗
荒民荒其地一千五百四十一頃四十二畝零每年應徵正耗銀
六千八百三十七兩零旗產地四百六十頃五十一畝零其徵正

耗銀九百二十五兩零統計查出各項地畝除由順天飭辦一千一百五十七頃餘畝不計外實由司造冊達部核准官荒旗荒民荒旗產共地四千三百九十頃九十五畝零每年共徵正耗銀一萬六千四百八十八兩零第自十六年起閱時十八月之久升科地畝雖有二千餘頃究不及十五年之首報踴躍報出旗產爲數更屬無多推原其故委因上年夏閒旗產展限後大雨浹旬各河漫決順直災歉州縣計有九十八處地畝被水淹佔刻下尙有未經涸復者無論老荒新墾不便催令升科各牧令籌辦賑撫招集流亡並有應修河隄要工實亦不遑兼顧不特荒地未報者尙多卽旗產已經報稅尙未升科及交產有契尙未投稅者正復不少況有外出未歸之戶禁令未盡周知若因已逾期限不准升科勢必隱匿不報租賦轉致無著且恐捏報黑地流弊滋多臣督飭藩

司察酌情形應請自此次限滿後如有首報升科查係置買立契年月實在此次禁止交產以前證據確鑿並非無故不報者仍准隨時升科若係無故不報及有捏報荒地情弊一經查出卽照部章同各項荒地一律追繳花利撤地入官從嚴懲處庶良民得所措手奸民亦知畏憚一切隱匿影射之弊不禁自除實於

國課民生兩有裨益至該管各官察出隱地二十頃以上例得按畝紀敘其清出旗地在一百頃以上依限納稅升科按照戶部定章准其保奏請

旨酌加優敘今順直各屬查報地畝較多之各州縣盡心清理有裨正供未便沒其微勞仰懇

天恩俯准臣等查照例章奏獎以昭激勸除將地畝銀數清摺咨部外理合會同兼管順天府府尹臣祁世長順天府府尹臣胡聘

威海添建學堂片

光緒十七年七月二十二日

再海軍人材以學堂爲根本北洋現有各師船需才甚殷非多設學堂不足以資造就堂內學生課程有洋文洋語史論算學海圖星象測量格致諸務必須研究數年方能略窺蘊奧及挑入練船又須練習風濤沙綫帆纜輪機鎗械雷礮各藝計非十年之久不克畢業是則水師學堂之設實爲海軍切要之圖僅止天津一堂儲材無多恐難敷用經北洋海軍提督丁汝昌於威海衛之劉公島擇購民地添建水師學堂該處地接海濱聞見更多閱歷光緒十五年遴派委員司事督催工作月給薪糧銀七十八兩自是年九月起支其選募教習學生援照天津學堂成規酌定經費摶節試辦計共設員司教習學生書識號鼓夫役人等五十九員名月需薪贍伙食公費等銀五百九十三兩六錢卽於十六年四月十

六日起支又建造學堂大小房屋六十三間共用工料銀九千五百二十八兩有奇購地銀四百二十一兩有奇製備書籍器具銀九百十九兩有奇統由北洋海軍經費項下動支應俟彙案造報以後應需書籍及考試學生派上練船暨添募學生擴充辦理一切活支之款難以預計原定經費如有不敷再遵照海軍衙門奏定章程另請添撥據天津海防支應局司道開具員名餉數清單詳請奏咨前來臣覆核所支經費均係必不可少之款除分咨海軍衙門戶工部立案外理合繕單附片具陳伏乞

聖鑒訓示謹

奏

謹將北洋創設威海水師學堂酌派委員教習學生司事書
識號鼓夫役人等員名餉數繕具清單恭呈

御覽

計開

管理學堂委員一員月支薪水銀五十兩

洋文教習一員月支薪水銀四十兩

漢文教習二員各月支薪水銀二十兩共四十兩

學生三十六名各月支伙食銀三兩六錢養贍銀四兩共月支銀

二百七十三兩六錢

司事一名月支薪水銀十六兩

書識二名各月支辛工銀九兩共月支銀十八兩

洋號手一名月支口糧銀八兩

洋鼓手一名月支口糧銀六兩

夫役十四名各月支口糧銀三兩共四十二兩

公費月支銀一百兩

以上五十九員名共月支銀五百九十三兩六錢照天津水師學堂向章加閏不扣建

曹克忠起病片

光緒十七年七月二十二日

再前廣東水師提督曹克忠於光緒六年二月間奉

旨交臣差遣委用十年法越事起近畿辦防經臣奏令招募津勝

六營駐紮山海關旋蒙

簡放廣東水師提督十一年事定遂將防營遣撤觸發舊傷未能

赴任籲請開缺蒙

恩允准近日調理漸愈臣於接見時細加察看精神智慮不減從

前查曹克忠為原任將軍多隆阿所部健將屢當大敵卓著戰功

資望最深謀勇兼裕方今整飭武備宿將漸稀曹克忠精力未衰

閒置殊為可惜該提督籍隸天津本係

特旨交臣差委於畿防將領氣誼素孚沿海各處情形尤熟臣已

勸令就近起病仍在海防軍營籌助一切實於營務地方均有裨

益該員歷任甘肅廣東提督遇有各省提督缺出照例由軍機處請

旨簡放應請俟得缺後再行

陛見理合附片具陳伏乞

聖鑒訓示謹

奏

臣等謹將山東提督缺出照例由軍機處請旨簡放應請俟得缺後再行陛見理合附片具陳伏乞聖鑒訓示謹奏

郭嵩燾請付史館摺

光緒十七年七月二十二日

奏爲已故大員學行政績卓然可傳據實臚陳懇

恩宣付史館恭摺仰祈

聖鑒事據湖南在籍紳士前國子監祭酒王先謙前貴州思南府知府周開銘前甘肅甯夏府知府黃自元員外郎曾廣銘等聯名呈稱原任兵部左侍郎郭嵩燾由道光二十七年進士改庶吉士丁憂回籍咸豐初粵匪犯湖南以守城功議敘並

命在籍幫辦團練時故大學士曾國藩守制家居奉

命辦理湖南團練遲回未出該侍郎馳至其家陳說大義國藩感動始起視師方經費奇絀該侍郎親行各州縣勸捐集餉創議舉辦通省鹽釐捐局手定章程旋帶湘勇援前安徽巡撫江忠源於南昌解圍後奉

旨授職編修在江西守城日爲江忠源言賊踞江路宜製造戰船以備攻勦忠源聽其議屬爲草奏得

旨允行其後曾國藩等卒用水師成肅清江面之功七年回京當差八年入直

南書房九年隨親王僧格林沁赴天津辦防敘功

賞戴花翎旋

派赴山東查辦稅務十年假歸同治元年

特授蘇松糧儲道旋遷兩淮鹽運使時運庫存銀不及四萬欠解

江南糧臺及安徽協餉甚鉅到任後詳請各營配鹽必由運司掣

驗提督李世忠擁重兵行私鹽莫敢詰問至是緝獲並沒其船鹽

運大暢在任一月欠餉全清續運銀米以濟皖軍而江南大營支

運營鹽隨時應付移交後存銀尙二十餘萬其綜理精密如此旋

賞三品頂戴署理廣東巡撫粵中盜船林立師船乏餉與盜相比該侍郎仿造三板戰船守東江口之石龍攻破盜村次及北江西江盡斂其船歸官歲省餉需十數萬粵釐設卡多弊歲入不過七十萬自裁汰歸併歲增至百四十餘萬又別立籌餉庫以儲捐罰各款兩歲亦積至二百餘萬此皆實政可紀者五年開缺回籍十三年

特召赴京光緒元年補福建按察使內遷兵部左侍郎在總理各國事務衙門行走二年充出使英法國大臣遣使之初人皆視爲畏途

朝命特以充選在西洋三年考究利病知無不言英國於南洋開闢新嘉坡一島閩廣人流寓貿易工作者不啻十萬悉受制於英官該侍郎據約力爭於英外部乃設中國領事官英埠設華官自

此始自是華人得官保護遇事不至見陵其品望最爲西人敬服
去任後猶稱頌弗衰旋抵滬猝染重病陳情乞休時以不能趨
叩

闕廷爲憾每遇交涉艱危旁皇形色嘗言冀多得通知中外事體
之人轉相開諭他日或收其用其秉性忠誠繫懷時局如此生平
廉潔自矢任運司時裁汰規費出使三年開報公款僅薪水房租
兩事其他皆自支銷歸後家無餘貲惟以書院修脯自給文章學
問爲後進所宗生平纂述甚富所著禮記質疑四十九卷業已成
書體大思精爲海內通儒推重茲於本年六月十三日在籍病歿
除由湖南撫院奏報外以臣於該侍郎事蹟知之最悉懇請奏乞
恩施專差航海呈遞前來臣查已故侍郎郭嵩燾早從軍旅洵歷
封圻晚使絕國行能功績久在

聖明洞鑒之中臣早歲卽與相識其後同官京曹同在兵閒及至江蘇又與共事逮該侍郎充出使大臣與北洋交涉尤繁故其志行知之獨詳實有不容泯沒者曾國藩初以憂歸屢奉

詔旨敦促該侍郎以事關大局不容預計利鈍手書面請至再至三曾國藩感其至誠後每與臣言未嘗不歎其篤摯悱惻能任事也左宗棠初中危獄以該侍郎之力得全遂至顯用戡定以來論武勳者盛稱曾國藩左宗棠而二臣之起則該侍郎實推挽之至創釐捐以濟師練戰船以勦賊尤爲兵餉大政所係皆事成而不居其功當時將帥爭欲得以爲重自以侍臣乞退出處宜嚴雖於胡林翼之書招李續宜之奏調並辭不赴及臣治軍東下求賢於

曾國藩專疏薦達蒙

恩特授蘇松糧道該侍郎始起赴官甫及一年超署廣東巡撫時

當廣東吏治軍務釐務積敝之後該侍郎感激

知遇自矢澄清履任之初更置將吏百城肅然歲籌餉項贏百餘萬而商民不知擾累尤爲人所難能平生於洋務最爲究心所論利害皆洞入精微事後無不徵驗前後條列各件外廷多不盡知病歸後每與臣書言及中外交涉各端反復周詳深慮長言若憂在己迄今展閱敬其忠愛之誠老而彌篤且深歎不竟其用爲可惜也該侍郎初官翰林卽以文章負天下重望於學無所不通而尤善言禮曾國藩嘗謂先王修己治人經緯萬彙惟在於禮故於國朝儒生通顯者獨推故尙書秦蕙田王引之該侍郎所著禮記質疑一書折衷羣經淹貫三禮括歷代制度之大得諸家訓詁之通實兼秦蕙田王引之二家所長卓然禮學大師爲當代所僅見道光初故大學士阮元督粵始作學海堂以課士及該侍郎爲巡

撫增設條教顯門之學成就尤多粵士稱爲百年以來兩人而已
伏念該侍郎服官中外歷著勤能

聖朝軫念前勞自有

恩卹之典至其政績學術卓絕可傳應請

旨宣付國史館立傳並

飭下湖南巡撫錄其所著書咨送史館以垂不朽伏讀乾隆十七
年二月

上諭以故禮部尙書韓菼碩學績文加恩追諡又乾隆三十四年
四月

上諭原任刑部尙書王士禎積學工詩從前未邀易名之典宜示
褒榮以爲稽古者勸各等因欽此咸豐十一年曾國藩爲前太常
寺卿唐鑑代遞遺摺以其宿學忠敬籲請

特旨賜諡蒙

恩允行仰見

先朝激勵儒修一時傳誦以爲文臣之至榮郭嵩燾經術政績視韓茨等殆尤過之可否

特予褒嘉以勸學行出自逾格

恩施非臣所敢擅請所有已故大員事蹟可傳請旨宣付史館緣由理合恭摺具陳伏乞

皇上聖鑒訓示謹

奏

電報洋教習請獎片

光緒十七年七月二十二日

再各國員弁爲中國辦事出力歷經奏蒙

賞給寶星茲查有電報總局丹國洋員博來天津電報學堂教習
丹國人璞爾生英國格林海軍書院教習藍博德海晏輪船管駕
英人安得祿歷辦各項差務均能實心襄助著有勞績合無仰懇
天恩俯准將博來比照各國總教習例

賞給二等第三寶星璞爾生藍博德安得祿三員比照教習例
賞給三等第一寶星藉資鼓勵如蒙

允准所有二等第三寶星一面三等第一寶星三面均由臣照式
製造仍請由總理各國事務衙門填給執照以憑轉發除咨會總
理衙門外理合附片陳請伏乞

聖鑒訓示謹

奏

臣等謹將各國領事官到京日期開列於左

英國領事官到京日期開列於左

法國領事官到京日期開列於左

德國領事官到京日期開列於左

俄國領事官到京日期開列於左

美國領事官到京日期開列於左

日本領事官到京日期開列於左

奧國領事官到京日期開列於左

普魯士領事官到京日期開列於左

中國領事官到京日期開列於左

光緒二十五年八月二十二日

北洋電綫報銷摺

光緒十七年七月二十八日

奏爲歷年設立北洋沿海一帶並奉天邊門等處電綫動用經費彙案報銷恭摺仰祈

聖鑒事竊查北洋電報自天津至北塘口前已將商綫改歸官綫以通軍報其由北塘口東出山海關分達營口旅順並奉天鳳凰城等處均係沿海沿邊扼要之區防營環列袤延數千里均未設綫文報每虞遲滯光緒十年春閒法越多事海防喫緊北塘口至山海關一帶爲

京畿門戶布置最關重要經臣奏准自北塘接設電綫東至山海關止飭由電報官局遴員帶同洋匠履勘興工於是年四月開辦至六月底止工竣計設電報五百三十五里實用經費銀三萬一千九百六十一兩零均在海防經費項下陸續撥發是爲北洋設

立官綫之第一案又十年七月閒疊准總理衙門來電山海關至營口旅順沿海陸路應設旱綫並欽奉

諭旨速辦等因當經奏明在浙江典商原領練餉成本項下除購糧運京平糶外尙存銀七萬九千三百餘兩儘數撥充設綫經費復奏撥長蘆欠解奉省餉銀二萬兩湊濟工用前

盛京將軍慶裕旋以奉天省城至營口亦應添設電綫奏明由奉籌撥工款銀一萬兩咨經臣派員併案勘辦自是年七月興工至次年三月工竣計由山海關東抵營口北達瀋陽南達旅順並永平府屬之昌黎樂亭等處共設電綫一千七百七十八里實用經費銀十萬七千三百十六兩零又撥付煙臺至威海衛電工料物銀一千九百九十五兩零除收尙不敷銀七兩零卽由威海衛電工經費內撥補清款是爲北洋接設官綫之第二案又十一年籌

辦朝鮮善後事宜經臣奏准由瀋陽東出鳳凰邊門徑抵義州一路增設電綫在江海關出使經費項下撥銀四萬兩應用是年七月興工至十月工竣計設電綫六百一十里實用經費銀三萬四千六百五十二兩零又撥付煙臺至威海衛電工料物銀五千三百三十七兩零尙餘銀十兩零是爲北洋接設官綫之第三案又十三年因北塘東達奉省各路電桿僅挂一綫遇有要報每至耽延且天津至北塘電桿年久尠朽必須換桿加綫傳遞方能捷速並因威海衛創設水師口岸應由煙臺至威海衛接設一綫計程一百六十里除將前辦旅順及鳳凰邊門電工兩案餘料儘數撥用尙估需經費銀二萬八千兩卽經咨部立案於是年三月開辦至八月工竣實用經費銀三萬五千二百九十五兩零計收過海防經費銀二萬八千兩又收旅順鳳凰邊門兩案餘料值銀七千

三百三十二兩零除用尙餘銀二十九兩零是爲北洋接設官綫之第四案疊經電報官局將各案用過工料細數先後咨由海防支應局彙核四案共收過銀二十萬九千二百六十五兩零實支銀二十萬九千二百二十五兩零內應歸戶部核銷銀二萬七千一百二十九兩零兵部核銷銀三萬三百四十四兩零工部核銷銀十五萬一千七百五十一兩零除實支外仍餘銀三十九兩零歸入光緒十五年北洋經費項下列收造報以清案款分晰造冊詳請奏銷前來臣查北洋本無電報自光緒十年創辦以後接續經營周環渤海直達朝鮮計設綫路三千餘里內而調度防軍外而保護藩屬呼應靈捷若在戶庭有裨軍國要政其電綫經行之處西路永平一帶則海岸河流水潦閒阻東路鳳凰門一帶則危崖峭壁刊鑿爲難加以沿途曠莽工夫難招締造艱辛不無糜費

疊飭承辦各員力求撙節安速程功首尾四年次第告竣所需經費每里約僅六十兩左右此項工程並無例案可循一切用款臣覆加確核委係實用實銷毫無浮冒除將清冊分咨戶兵工部外理合恭摺具

奏伏乞

皇上聖鑒敕部核銷謹

奏

天

皇土聖靈效驗神效

奏封

聖合恭備具

國賦華封奏附實甲寅年

歲餘餘勤六十兩五百

皇朝聖德神功

請籌還張曜洋債摺

光緒十七年七月二十八日

奏爲代陳已故撫臣遺書恭摺仰祈

聖鑒事竊臣接據升任山東藩司福潤來函以已故撫臣張曜於

病篤時口授遺書屬臣代

奏臣查閱書中所言山東沿海臺礮尙未修備深以爲憾末復詳

言新疆銷案疊經部查本年始奏奉

恩允而部臣又令裁營陸續歸補惟欠款七十四萬七千餘兩皆

借自洋商訂明納息卽裁一二營月餉僅數月息之用鉅款終於

無著焦慮成疾以至不起長負

聖恩望采遺言詳奏

天聽俾不至失信遠人貽口舌而辱

朝廷則九原亦可瞑目等語並將原奏部文鈔錄由該升司函遞

前來臣惟該故撫臣張曜前因墊發所部嵩武軍餉項展轉挪借
華洋各款事之原委臣初未與聞茲據其遺書及鈔來奏稿部文
始得詳加檢閱該故撫瀝陳各節自屬實在情形仰蒙浩蕩之
恩迴異尋常之例至部臣所慮晉豫兩省欠餉難以籌解亦是深
知外閒虛實之言改令以裁營陸續歸還原非得已惟查該故撫
所借各款以德國商人德華泰來兩處爲最多向來借用洋款俱
係豫定年限攤勻本息如期歸還斷難延緩該故撫原以請款有
著庶可設法騰挪既經部議裁營歸償已覺無從措手今又身歿
更無主持清理之人轉瞬洋債屆期應付少遲定滋口舌其有關
於

國體者甚大嵩武一軍本係百戰精銳分紮山東沿海及南北要
隘現在新失大將人心易搖且須籌辦膠州煙臺等處海防一時

亦難裁遣況以一二營有限之月餉指還刻不容待之鉅款緩不濟急徒託空言伏念該故撫歷著勳勤久荷

聖明垂鑒其生平操履廉介殊爲人所難能治軍服官垂四十年曾無寸產一椽之殖旣歿幾無以殮將吏環視感泣失聲持己之嚴一時所信身後猶以因公虧款上累

朝廷帷蓋之施此誠瞑目傷心不能自釋者也臣昔與該故撫共事勦擒患難相從念其垂死遺書千里相託至此項欠餉案牘炳然會荷

特旨俞允未敢壅於

上聞合無仰懇

天恩飭下總理各國事務衙門會同戶部妥議籌款歸還以全大局新任撫臣福潤與該故撫同官日久氣誼素孚於所借洋款數

奏稱七十一
目限期必能深知詳細將來還款時自應

飭由該撫臣就近督同嵩武軍經手借款之員認真清理俾臻安

慎謹將該故撫遺書鈔呈

御覽理合恭摺代陳伏乞

皇上聖鑒謹

奏

覆奏停購船械裁減勇營摺

光緒十七年八月初八日

奏爲遵查部議北洋停購船械裁減勇營情形據實覆陳恭摺仰

祈

聖鑒事竊臣欽奉光緒十七年四月二十五日

寄諭戶部奏酌擬籌餉辦法一摺等因欽此當卽恭錄轉行欽遵查照逐細籌議茲據各司道將領等詳覆前來臣查部議外辦四條除鹽商捐輸督飭運司勸商量力報效另片具奏土藥稅釐俟開辦後儘數解部外至北洋向來購買船械本無專款存儲沿海駐紮勇營又與他省迥異謹將詳細情形縷析爲我皇上陳之原奏南北洋購買外洋鎗礮船隻機器暫行停購兩年卽將所省價銀解部充餉等語查北洋歷購鐵艦快船均係奏明奉

旨由部另籌專款不在歲支北洋經費之內其兵船礮臺應配礮
械均於創辦時估計併購前奏定海軍章程內載明若購大批軍
火需款較巨專案咨商海軍衙門辦理故額定歲支款內並無購
買外洋鎗礮一項是北洋購買船隻鎗礮均係另請籌撥實無存
儲備用之款今卽停購仍屬無銀可解至購買外洋機器約分兩
大端一爲從前所無新議創購之件一爲原來所有隨時添配之
件其創購者苟非海防急需自當暫停惟歷年撥定經費各省解
不足額額支之款尙屬不敷此則雖暫停購仍無餘款可以騰挪
若隨時添配之件如艦艇塢廠原有各機器俱係西洋新式靈巧
異常機關極脆用久易敝各口所設魚雷水雷尤爲攻守利器其
雷筒電信等件遇有缺壞若不添配遂成棄物各廠局輪機器具
運動倍繁損壞尤易儻拘於停購二年之議任其缺損一物壞則

全機俱停一器乖則全船坐廢製造闕則軍實立匱操防缺則攻
守無資積年之功墮於一旦所省甚微所關甚鉅此則萬難停緩
然統計每年所費不過十萬金亦無數十萬之多此查明北洋船
械項下並無餘款可解之實在情形也又原奏各省營勇原額恐
難皆足能有八九成卽稱上選令將馬步勇營各就所存限一年
內裁足一成等語查直隸現存勇營淮軍分紮沿海各處東至奉
天之旅順口大連灣渡海而南至山東之威海衛皆北洋海防最
爲緊要之地自來湘淮軍得力實由勇數足額足則力厚當用兵
時常以一營分紮兩壘近年因備外患修築礮臺亦多以一營分
紮兩處則人數斷不能少所用鎗礮全係西洋精利之器凡操後
門礮自礮目以至勇丁皆有應管之物應做之事缺一不可演鎗
則分行布陣悉照西法進退分合均有一定之數亦缺一不可准

軍調防

畿輔逾二十年平時疏渠屯田築臺修壘及歷年修濬河工如黃漳永定下游南北運減河各工見於奏牘者幾無虛日藉非兼資勇力勞費殆不可勝計直隸沿海以至東奉各口礮臺相望俱仿照西洋新式而旅順威海大連灣等處臺工鑿山填海致力尤艱藉非全用勇力其勞費尤不可勝計論前日之戰守則一勇實得一勇之用論平時之工操則一勇實兼兩勇之用部議勇額八九成卽稱上選此論他處營制或未可知若淮軍則自來所未有蓋按冊可稽隨時可驗者也光緒六年正月奉

旨飭裁各省防營以直隸須辦邊防

特諭毋庸議減卽十年戶部議開源節流各條內亦僅及內地防勇而於海防各營均未議及誠以三輔本根重洋門戶

廟謨遠燭廷議僉同長慮周防原不可以外省及內地各營爲比而六年防俄十年防法徵調客軍添募新軍旬月之間

詔書疊下則近畿兵力並不甚足久在

聖明洞鑒之中際茲費絀用繁疆臣誼其時艱但使勉可支持何敢不力爲其難藉紓餉力臣自調任直隸以來歷年裁勇就餉之案非止一端其最鉅者光緒十一年特奉

懿旨飭各省裁勇以增旗兵加餉當時新募勇營一律裁減歲節部餉九十四萬八千兩實爲大宗自十一年裁定以後未增一營次年四月間

醇賢親王巡閱北洋覆

命具疏亟稱陸軍將領雖屬可恃猶以分布各隘力量未厚爲言其時威大兩海口尙未設防今則均已移軍填紮布置愈廣兵力

愈單現又須遵

旨續籌膠州澳煙臺等處防務將來如何分撥屯駐尙待妥籌此卽未能添募何可更議裁撤今若就各營統裁一成每歲所省無多而有關於畿防海防及營制軍實者甚大此查明北洋防營現難裁減之實在情形也竊維北洋拱衛

畿輔環帶大洋近年創辦海軍防務尤重自來設防之法必須水陸相依船艦與陸軍實爲表裏北洋現有新舊大小船艦共只二十五艘奏定海軍章程聲明俟庫款稍充仍當續購多隻乃能成隊而限於餉力願大難償

醇賢親王巡閱疏中已極言師船兵力尙單全恃陸軍礮臺以爲固今則船艦旣暫停添購防營更未便遽裁伏讀本年五月初八日

上諭海軍關係緊要必須精益求精仍著督飭各員認真經理以期歷久不懈日起有功等因欽此各營將士傳誦

詔書莫不馳驅感奮膠煙兩處特奉

諭旨添築礮臺難更停緩臣此次出洋巡視各口親見弁勇工作勤苦胼胝黧黑備極辛勞臺工尙多未竣臣與前撫臣張曜徧加拊循方蒙激勵之

恩忽有汰除之令懼非

聖朝慎重海防作興士氣之至意也詳閱部臣所議旣曰自相商定又令察酌情形固已深知外閒事勢各殊斷難一律現經再三籌度目前餉力極絀所有應購大宗船械自宜照議暫停至裁減勇營一成應俟各處臺工竣後再行酌辦惟值部庫奇絀需款正殷直隸雖係缺額之區自應與各省分任其難勉籌涓滴之助容

奏稿七十二
當督飭藩運兩司無論何款竭力撙節勻撥一俟集有成數再當
隨時奏明辦理所有遵查部議北洋停購船械及裁減勇營實在
情形理合恭摺覆陳伏乞

皇上聖鑒訓示謹

奏

史克寬請開復片

光緒十七年八月初八日

再據河閒縣在籍紳士前雲南陸涼州知州劉啟同等聯名呈稱
滹沱河爲直隸五大河之一猛悍不受隄防上游深武饒安下游
任雄霸保文大十餘州縣均受汎漫之害而河閒適當其衝往年
每遇盛漲農田盡成澤國自光緒七年前任清河道史克寬相度
形勢始於獻縣新闢減河使滹沱仍歸子牙故道達津入海從此
十數州縣始免沈災迄今十年河流順軌農民復業追維利賴之
澤實該前道之功前於被議去官時紳民等曾於十方院建立去
思碑以誌愛戴茲聞溘逝感泣同聲紳等追念前勞合詞籲懇奏
乞

恩施開復原官以慰眾望等情並據任邱等縣紳民聯名呈請由
該地方官具詳請奏前來臣查史克寬久從淮軍勦辦粵捻轉戰

南北卓著勤勞其在清河道任內因升任太常寺卿徐樹銘查辦
獻縣河工以該故道所挑新河水勢不順致南岸各村雨後被災
奏請交部議處旋經部議革職臣查滹沱下游本歸子牙河自同
治七年北徙漫入古洋河河身淺窄橫流四溢於是深州饒陽獻
縣河閒肅甯任邱雄縣保定霸州大城文安十餘州縣歲被漫淹
民困已極光緒七年臣派該故道前往勘度在獻縣開挖滹沱新
河挽歸子牙故道然後沿河州縣始登衽席至南岸各村地居窪
下向被水患非自開河以後始然且斷不能僅顧一隅數十村莊
而置上下游十餘州縣民生於不問徐樹銘奏請改道實非通籌
全局之言嗣後疊據各州縣紳民赴臣及府尹都察院衙門並各
該道府州縣紛紛呈訴俱謂新河有益改道有害旋奉
旨交臣議覆仍照史克寬所開河道辦法至今便之其詳細情形

臣於七年奏開新河及九年十年疊次覆奏案內並已縷析

上聞是該故道辦理並未乖方被參不無冤抑茲據該紳民等呈詞懇切足見遺愛未泯公論在人合無仰懇

天恩俯准將已故革職清河道史克寬開復原官以順輿情而彰勤績出自

慈施逾格理合附片具陳伏乞

聖鑒訓示謹

奏

學聖明示

慈願臨補歷合情字具與為之

德壽出自

大恩和善群白外華卿書國數安京發閱財取以反取與南而海

師德四皇原也愛朱好公備五人合無心懸

土國身德文首推里並朱承式慈慈不無哀明慈親慈慈與善

引外十平發國保何武武平十平學大醫奏案內並日懸

海防練軍請銷摺

光緒十七年八月十九日

奏爲查明天津海防練軍光緒十六年分收支各款照章造冊請銷恭摺仰祈

聖鑒事竊據天津支應局司道詳稱天津練軍及大沽葛沽北塘海口各礮臺防營並雲字營馬隊營務處小隊應需餉項向由津海關六成洋稅招商局稅洋藥釐捐東海關協餉長蘆鹽斤復價正雜課各項下隨時籌撥樽節支放前因東海關六成洋稅湊付洋債無款協解歷在天津釐捐項下動用經部覆准業將光緒十五年以前收支款目疊次奏咨准銷在案嗣因津海關攤還洋款津防月餉解不敷放復將奏明留充防餉之張獨多三廳押荒銀兩儘數提用至應支餉乾薪糧等項並大沽等口臺礮經費以及設局辦公租賃民房添置帳棚旗幟號袿采買製造軍火器械悉

照奏定章程歷年准銷成案核實支放茲造具光緒十六年分收支細數清冊詳請

奏咨前來臣逐加覆核自光緒十六年正月起到至年底止舊管存銀一萬五百八十五兩零新收各款並本案扣收平餘銀三十九萬六千四百五十六兩零開除支款悉照定章毫無浮濫應歸戶部核銷銀三十萬一千六百十六兩零工部核銷銀三萬六千二百五十七兩零合共銷銀四十萬七千八百七十三兩零實在不敷銀八百三十兩零以光緒十六年係屬有閏之年人不敷出由局設法借墊業於十七年所收月餉內撥還歸款應俟下屆銷案內登除造報至奉部核准歷年墊支不敷銀二萬一千一百七十八兩零仍於冊內列報應俟月案核辦後再行開除所有光緒十六年天津海防練軍收支餉銀請銷緣由除清冊咨部外理合

恭摺具

奏伏乞

皇上聖鑒敕部核銷謹

奏

皇土聖德如浩如南

委為

奉旨

吳毓芬請卹片

光緒十七年八月十九日

再按察使銜江蘇題補道吳毓芬於同治元年隨臣率師赴滬綜理營務旋募立華字營航海援常熟先克福山解城圍調防吳江縣時大軍壁蘇州城下浙賊數萬來援徑撲吳江沿塘築壘合圍迭擊吳毓芬誓眾堅守相持逾月賊不得過程學啟以所部開軍來會戰於南門吳毓芬開西門出賊背夾擊之擒斬偽貴王等賊目四十餘名追至平望伏屍蔽野賊援既絕蘇城勢孤未幾收復旋進軍浙境克平望黎里等鎮規取嘉善縣據賊偽鄂王陳占榜送質約降吳毓芬輕舟入城受之料簡精銳編爲華字左右暨新副水師營餘眾數萬資遣歸里遂進圍嘉興府城嘉興守賊極悍程學啟攻北門被創不能進吳毓芬由東路進克六里街合歡橋吳涇橋諸隘奪賊所築月城外石壘以巨礮壞城樓及雉堞數十

丈吳毓芬身先將士踰濠拔蒺藜倚雲梯蟻附而登開軍亦自北門入以先登功

賞給禦勇巴圖魯名號調防溧陽縣先是溧陽金壇賊酋李世賢林得英赴援金陵守賊以城降吳毓芬至溧十日二酋驟回敗鮑超所部霆軍千人於金壇竄至南渡吳毓芬念溧陽爲巨酋巢穴新附反側未定若內外合則全局危乃夜出兵抵南渡預設伏令降人習賊號者易服入賊壘縱火賊大擾縱兵奮擊斬林得英及僞天將黃有才等數十人李世賢僅以身免餘眾皆殲城內降日懼伏即日散遣其眾四萬人調防長興縣諜知湖州賊謀竄廣德吳毓芬擬先取泗安鎮扼其要路而橋道已爲賊斷橋南賊營連屬進戰不易該道簡精卒舁小舟夜出黎明至橋牽舟徑渡驟踏賊營循河追擊直抵泗安賊出迎力鬪將士奮死直前肉薄登壘

湖州大股奔至見幟盡易大駭卻走縱兵兜擊無一脫者捷聞奉
上諭吳毓芬一軍進剿疊破成林橋等處堅壘直逼泗安連克五
營勦辦甚爲得手著賞加按察使銜等因欽此旋調防揚州府進
紮清江宿遷及山東之嶧縣韓莊等處以其弟吳毓蘭分統華字
兩營回防揚州力擒賴汶洸東擒以平先是吳毓芬會攻嘉興時
自冬徂春連旬風雪徧地泥淖積受寒溼至是驟發假歸調治遂
成痼疾馴至不起臣查吳毓芬起自諸生以學行信義著聞閭黨
咸豐中捻首談家寶縱橫廬鳳間吳毓芬謁故撫臣福濟謂家寶
壽州俠士以家陷冤獄非有意作賊也請以單騎招之遂與偕詣
臣軍前隨克復含山巢縣無爲州卒以力戰死事當臣東征之始
方苦兵單其時故兩廣總督張樹聲故廣西巡撫潘鼎新故廣東
水師提督吳長慶前福建臺灣巡撫劉銘傳皆練團勇保衛鄉里

與吳毓芬氣誼素投奉檄往招約與俱來是為銘鼎樹慶四軍各
 致勳閩為時名將抵滬後軍餉極絀臣令吳毓芬兼綜釐務承積
 敝之後極意釐剔兩月內多收六七十萬軍食以饒治軍嚴而有
 恩與其甘苦人人皆得盡言樂為致死賊中虛實情偽罔不周知
 大小百數十戰未嘗挫衄破賊之日必先資遣難民皆令得所財
 幣一無所私迹其生平將才吏才並稱卓絕故雖名位未顯而並
 起諸將皆推重之同時大吏爭欲得以為助惜以病廢未竟其用
 然論從征之早力戰之勤勞苦功多實難泯沒而吳江之守嘉興
 之克溧陽泗安之戰論功最偉尤為大局所關追念前勞深堪痛
 惜合無籲懇

天恩俯准將吳毓芬照軍營立功後積勞病故例從優議卹並附
 祀各省淮軍昭忠祠以彰蓋績出自逾格

慈施理合附片陳請伏乞

聖鑒訓示謹

奏

奏明購買鑄鋼機器水腳片

光緒十七年八月二十七日

再光緒十五年五月間據天津機器局司道詳請籌購外洋鑄鋼機器全份擬向英國葛來可力夫高爾公司格林活各廠分別定購所有價值腳險各項分款開單請示臣因現在講求海防利器外洋長式鋼質礮彈為後膛鋼礮所必需中國無鑄鋼機器不能鑄造無以供操防之用此項機器必應添置仿造以備緩急當即咨會海軍衙門並咨戶兵工部立案一面批准照辦旋准兵部咨開查北洋運腳保險向按一五成核銷今所購鑄鋼機器腳險俱過一五成數應令酌核議定範圍報部再行立案臣復查外洋運華器物其水腳本無一定矧重大器件運送較難所有水腳如照尋常規例洋商不肯裝運其運腳多寡係洋商作主我處不能懸定等情咨覆兵部酌核昨復准兵部咨開前項重大機器既未議

有定數本部礙難核定立案應由該督自行奏明辦理等因臣查
外洋水腳各種不同歷年購辦機器有不及一五成者有一成五
六至二成四五者先後俱准部咨銷在案如塞們德士及鍋鑪鐵
柱等重大器件腳險較其本價均一倍有奇此次訂購鑄鋼機器
各項重大異常統計運腳保險各費二二成有零核與從前准銷
二成四五腳險有減無增實無絲毫糜費且外洋船隻裝載運華
物料遇船多貨少之時水腳略減船少貨多水腳立漲且有貪裝
輕貨於噸位中取巧者種種情形不能一律即臣處與洋商交往
較多水腳訖無一定亦不能將水腳一項預為折中定斷致運到
時多費脣舌應請

旨敕下兵部將前項鑄鋼機器先行立案至機器內重大之件候
收清器件時飭由經購之員與洋商切實核定水腳保險數目不

得稍有含混再行專案報部以憑核辦合附片具陳伏乞

聖鑒訓示謹

奏

<p>委和七十三</p>	<p>委和七十三</p>	<p>委和七十三</p>	<p>委和七十三</p>	<p>委和七十三</p>	<p>委和七十三</p>	<p>委和七十三</p>	<p>委和七十三</p>	<p>委和七十三</p>	<p>委和七十三</p>	<p>委和七十三</p>	<p>委和七十三</p>
--------------	--------------	--------------	--------------	--------------	--------------	--------------	--------------	--------------	--------------	--------------	--------------

喜昌請建祠片

光緒十七年八月二十七日

再據易州紳士刑部候補員外郎陳崑授等聯名呈稱同治七年
擒首張總愚由晉竄直保定省城戒嚴時各路統兵大臣以易州
爲

陵寢門戶防衛尤重前庫倫辦事大臣喜昌方以協領管帶馬隊
派令率部馳抵易州防堵流氛不驚閭閻按堵追懷前績實不可
忘擬請捐建專祠並請列入祀典地方官春秋致祭以伸報享等
情由該知州容裕詳請具奏前來臣維前任庫倫辦事大臣喜昌
本年在京病歿荷蒙

特旨軫恤有加其事跡戰功久在

聖明洞鑒同治七年勦擒一役湘軍追賊而東淮軍遏賊而南其
初擒蹤飄忽靡常保定以北時虞竄擾該故大臣首率馬隊先至

易州防護

陵寢綏輯地方該處紳民感其保衛之力請爲捐建專祠列入祀典實有合於祭法禦災捍患之義不敢壅於

上聞理合附片具陳伏乞

聖鑒訓示謹

奏

李文忠公奏稿卷七十二

李文忠公奏稿

卷之七十三目錄

辦理海軍請獎摺

光緒十七年九月初六日

奏保劉含芳等片

光緒十七年九月初六日

洋員請獎片

光緒十七年九月初六日

辭節制嵩武軍摺

光緒十七年九月初十日

洋人代建旅順鴨澳各工摺

光緒十七年九月二十四日

造成捷順小輪船片

光緒十七年九月二十四日

奏保顧肇熙片

光緒十七年十月十四日

援剿朝陽匪黨摺

光緒十七年十月二十一日

添隊剿辦朝陽匪黨摺

光緒十七年十月二十八日

子牙河隄變通修守摺

光緒十七年十月二十九日

北洋修理運船片

光緒十七年十月二十九日

近省隄河工程片

光緒十七年十月二十九日

布置防遏朝陽賊黨摺

光緒十七年十一月初六日

宣化歷剿賊匪請獎摺

光緒十七年十一月十六日

續收賑捐片

光緒十七年十一月十六日

添派馬隊會剿朝陽教匪摺

光緒十七年十一月二十一日

覆陳朝陽賊情片

光緒十七年十一月二十一日

淮軍報銷摺

光緒十七年十一月三十日

軍需交涉洋務片

光緒十七年十一月三十日

淮軍水師報銷片

光緒十七年十一月三十日

司道統領工撫出力片

光緒十七年十一月三十日

賑捐餘款生息備賑片

光緒十七年十一月三十日

浙江助賑請獎片

光緒十七年十一月三十日

賑務告竣請獎摺

光緒十七年十二月十二日

鹽課照額全完請獎片

光緒十七年十二月十二日

機器局報銷摺

光緒十七年十二月十二日

熱河肅清留營鎮壓片

光緒十七年十二月十六日

各省官紳助賑彙獎片

光緒十七年十二月十九日

谷口山前所發錄與十
光緒十一年十二月十日

燕山橋南清澗池與十
光緒十一年十二月十日

劉家園所發錄與十
光緒十一年十二月十日

劉家園所發錄與十
光緒十一年十二月十日

劉家園所發錄與十
光緒十一年十二月十日

劉家園所發錄與十
光緒十一年十二月十日

李文忠公奏稿卷七十三

全集一之七十三

桐城吳汝綸編錄

辦理海軍請獎摺

光緒十七年九月初六日

奏爲遵保歷年辦理海軍出力員弁照章擇尤酌擬獎敘彙繕清單恭摺仰祈

聖鑒事竊查本年五月間臣會同原任山東撫臣張曜覆陳校閱北洋海軍並查勘各海口臺隴工程情形一摺請將在事出力人員照章獎敘奉

上諭各將領訓練士卒修建臺隴不無微勞足錄著准其擇尤保奏以示鼓勵等因欽此當經轉行欽遵查照去後茲據海軍提督丁汝昌及沿海各營局所學堂查明歷年在事出力文武員弁學生書吏人等開單請奏前來臣維北洋海軍自光緒十四年創辦

迄今已歷三年現計戰守練運各船大小二十餘艘每年春夏秋
三季沿海操巡周歷奉天直隸山東朝鮮各洋面東北至於日俄
各島冬令駛往南洋江浙閩廣沿海要隘西南至於英荷屬埠終
年衽席風濤練習陣技弗稍休息實屬艱苦備嘗其防守旅順大
連灣威海衛各營將士操練臺礮魚雷水雷等藝整齊精熟築造
臺壘隲澳鉅工鑿山濬海致力尤難胼胝經營無閒寒暑北洋門
戶布置已甚謹嚴各處船廠及機器製造等局修造輪船雷艇電
燈緊要器械暨大小新式鎗礮子藥均能認真考究竭慮殫思與
外洋所造一律精強合用此外總理北洋營務糧餉軍械局所學
堂文武各員亦皆始終勤奮著有功效按照奏定海軍章程每屆
三年校閱之期均准一律保獎謹將單開各員核實刪減擇其尤
爲出力者分別酌擬獎敘彙繕清單恭呈

御覽仰懇

天恩俯准照擬給獎以示鼓勵歷年北洋海防在事文武大小員弁統計爲數不少現在列保者查照奏定章程僅十成之三且仍分別異常尋常勞績核獎未敢一概從優單開人數合之似見其多分之仍覺其少實已無可核減至此次海軍各員內有請獎勇號翎枝者係援照光緒十四年出洋接帶快船奉

旨允准成案海軍員弁頻年涉歷重洋操巡勤苦較之出洋帶船僅止一時一事者勞績尤爲倍著其餘各營局所人員均不准率行聲請應懇

特旨允准出自逾格

恩施海軍關繫至要創辦甫具規模若蒙

聖恩優敘成勞各將士鼓舞奮興更當感激馳驅日求精進以仰

副

朝廷慎重海防力圖自強之意海軍提督丁汝昌統率有方不辭勞瘁總理水陸營務處直隸臬司周馥悉心籌畫綜核精詳均擬請

敕部從優議敘此外應給千把等項照章咨部註冊其怠玩不職之員亦經查明片參辦除飭取各員弁履歷分送並咨海軍衙門查照外所有遵保校閱海軍出力各員理合繕單恭摺具陳伏乞

皇上聖鑒訓示再海軍衙門辦事出力人員應照奏定章程由該衙門查明自行請獎合併陳明謹

奏

奏保劉含芳等片

光緒十七年九月初六日

再甘肅安肅道劉含芳歷隨征勦粵捻前敵軍營自北洋辦理海防卽經臣派駐威海衛旅順口先後已閱十年布置礮臺船塢創設魚雷水雷各營聯絡將士講求操練海濱苦守勞瘁不辭始終弗懈堅忍卓絕條理精詳在事最久情形最熟功績最多實屬海防尤爲得力臣軍必不可少之人軍事吏事均深歷練在文員中洵爲難得又候選道戴宗騫究心時務學識優長謀慮忠純久在淮軍襄辦營務自光緒六年奏調隨同吳大澂赴吉林籌防統領綏軍嗣又調回畿東沿海一帶十四年飭派兼統鞏軍移防威海衛南北岸督修礮臺結構精嚴壁壘一新操練新式鎗礮水雷均臻嫻熟足資戰守該道志趣廉正經濟宏通實爲文武兼資之選深堪倚任又江蘇候補道宜霖前任天津知府卓著政聲嗣經海

軍衙門派令會辦昆明湖水師學堂幹練耐勞上年十二月奏調
天津差遣綜辦營務籌畫周到能顧大局明體達用堪勝監司之
任以上三員各有專長足備器使當此時艱孔亟人才難得臣既
知其緩急可恃不敢壅於
上聞應如何優加獎擢之處出自
特恩非臣所敢擅擬伏乞

聖鑒謹附片具
奏

洋員請獎片

光緒十七年九月初六日

再各國員弁在中國辦事出力歷蒙

賞給頂戴寶星有案茲查威海衛承修日島礮臺三品頂戴德國
兵官漢納根天津機器局教習英國人施爵爾鐵路監工英國人
金達北洋醫官英國人伊爾文旅順船陽醫生法國人道禮思北
洋水師營務處繙譯德國人毛吉士旅順船陽監工法國人吉利
豐邵祿李維業葡國人路筆納等當差多年均能始終勤奮著有
成效現值校閱海軍有勞必錄應准一體獎敘漢納根擬請

賞給總兵銜並戴花翎施爵爾伊爾文均擬請

賞給三品頂戴施爵爾金達並請

賞給三等第一寶星吉利豐道禮思毛吉士等三員均擬請

賞給三品第三寶星邵祿李維業路筆納等三員均擬請

賞給五等寶星俾示鼓勵如蒙

恩准所有三等第一寶星二面三等第三寶星三面五等寶星三
面均由臣照式製造仍請總理各國事務衙門填給執照以憑轉
發除咨總理衙門外謹附片陳請伏祈

聖鑒訓示謹

奏

臣等查各國領事官到京時均應給與寶星以示優待茲據
駐京各國領事官呈稱各國領事官到京時均應給與寶星以示優待
臣等查各國領事官到京時均應給與寶星以示優待茲據駐京各
國領事官呈稱各國領事官到京時均應給與寶星以示優待

光緒二十六年六月

辭節制嵩武軍摺

光緒十七年九月初十日

奏爲嵩武軍駐防山東請仍歸撫臣節制以資鎮攝恭摺仰祈

聖鑒事竊臣承准軍機大臣字寄光緒十七年七月二十五日奉

上諭張曜所部嵩武軍訓練有年所辦皆海防之事著歸李鴻章

節制調遣等因欽此伏查已故山東撫臣張曜所部嵩武軍馬步

共十一營惟漢中鎮總兵孫金彪所統四營駐紮煙臺後路其餘

七營分紮曹州兗州一帶察度情勢一時未能全調海防臣所部

淮練各軍向皆申明紀律勤奮工操若該軍歸臣調遣斷不能令

勞逸迥異該軍雖百戰精銳然皆豫潁剽悍之士稍異湘淮節制

之師當此新失大將羣情未免觀望寬緩之餘驟以嚴明馭之或

非所宜山東撫臣亦有海防之責該軍所駐全在山東境內而分

防腹地尤多距撫臣所駐濟南密邇距臣所駐天津千有餘里遠

近懸殊且各省內地防軍亦從無不歸本省督撫節制之理現聞張曜歿後該軍頗有浮言互相稟訐軍心不壹此軍自同治六七年間曾隨臣勦辦東西捻匪而奉調出關以後迄今已二十餘年各營將領均已更易多不相識亦不深知其賢否餉糈一切向由張曜自行經理支發文卷冊籍無從移交其中情偽曲折非遙度所能周詳若紛紛檄調查詢頭緒太繁尤慮眾心搖惑臣實不敢擁節制之虛名而無整頓之實際再四思維臣福潤在東年久較爲熟悉就近清查彈壓當可消弭無形擬請將現駐山東之嵩武軍

救歸撫臣節制庶遇事呼應靈速責成較專俟將來調歸海防修築臺壘再由臣分撥調遣臣爲關係東防大局起見不敢緘默謹專摺由驛四百里馳陳伏乞

奏
皇上聖鑒訓示施行謹

洋人代建旅順鴨澳各工摺

光緒十七年九月二十四日

奏爲旅順口由洋人包建大石船塢及船澳廠庫各工鐵路電燈並各項機器物件動用銀兩遵

旨奏結恭摺仰祈

聖鑒事竊查北洋旅順口爲海軍駐泊口岸前經飭雇法國監工德威尼承攬包做大石船塢及澳岸廠庫並添築攔潮石壩等工籌撥工款數目於光緒十四年十二月附片陳明奉

旨允准及全工告竣復飭據北洋海軍提督丁汝昌按察使周馥等將驗收一切情形繪具圖說於十六年十一月專案具奏並聲明此項工程按照原估先後共撥銀一百三十九萬三千五百兩統作旅順船塢各項工程之用出入兩抵儘數開銷所做各工均係洋匠包辦與內地做法迥異無例可循准工部咨覆有案並飭

局員將收支各數及工程丈尺做法機器名色件數各開清單分咨海軍衙門戶部工部查核請免造冊報銷等因奉

硃批該衙門知道欽此本年四月臣出洋校閱海軍親臨履勘又將工段做法與原報一一符合情形詳細奏明各在案茲准工部咨具奏旅順建造石船塢等工欽奉

諭旨著由臣自行奏結等因欽此復經轉行海防支應局司道覆加查核該洋人德威尼承造大石船塢等工原估銀一百二十五萬兩添築攔潮石壩等工續估銀十四萬三千五百兩共包定工料銀一百三十九萬三千五百兩內收款項下先由北洋經費內撥給銀七萬八千八十兩又由直隸海防展捐項下撥給銀六十三萬一千四百三十二兩有奇又由部庫撥給銀五十三萬九千四百九十七兩有奇又由購造四快船餘款儘數撥給銀六萬九

千八百二十五兩有奇又由北洋經費內續撥銀七萬四千六百六十四兩有奇均經奏咨有案計共收銀一百三十九萬三千五百兩支款項下船塢鐵船門吸水機器鍋鑪等項包定銀二十五萬八千兩船澳土工二十五萬方三面石泊岸四百十丈六尺八寸並券洞方墩石階鐵梯鐵椿等項包定銀五十八萬兩鍋鑪機器吸水鍋鑪吸水機器木作銅作鑄鐵打鐵電燈機鑪等九廠包定銀八萬五千兩九廠內應用各項機器物件包定銀六萬四千兩庫房五座包定銀四萬八千兩澳邊鐵路雙軌長九百七丈七寸並鐵盤十六座包定銀二萬八千兩起重大架五副包定銀三萬五千兩大小電光燈四十九具包定銀一萬二千兩洋式辦公房三座包定銀二萬五千兩特拉斯土七百五十噸及碾土器具全副包定銀一萬五千兩小石船塢一座包定銀八千二百兩舢

板鐵棚二座包定銀八千一百五十兩洩水涵洞一道包定銀五千兩淡水庫儲水庫二座自來水管分水管長二千四百二十九丈六尺取水大小機器十八具包定銀三萬一千六百兩澳隴沿岸石路六百十八丈包定銀四千四百兩備用機器包定銀四萬二千六百兩添築攔潮石壩湊長一百丈四尺券洞方墩二十五座鐵碼頭長十二丈三尺六寸連石階鐵椿鐵梯鐵柱鐵梁鐵房等項包定銀十二萬五千兩壩岸鐵路雙軌長一百二十七丈六尺電燈八具淡水管長七十六丈二尺包定銀八千五百兩均由旅順工員隨時驗明工程分數絲毫不差詳奉批准再由該洋人自行分批具領共支銀一百三十九萬三千五百兩收支相抵儘數開銷其工程丈尺一切業於報部單內逐項開明查此係洋人包做之工仿照西洋各國大船塢做法中土向所未有一切價值

均先行撙節核實估定工竣之日祇能查驗其工程是否堅實不
必追問其工料如何開支且該洋人所購機器料物及所雇工作
又係轉包與華洋各廠匠非惟局員無從逐細開報卽該洋人輾
轉包工亦無從開報細數總之所做各工均無絲毫偷減所支各
款隨時由臣核明批准給發委無涓滴虛糜工由洋人承包價由
洋人具領其餘在事各員更無從浮冒所有法國監工德威尼包
建旅順船塢澳岸廠庫各工並鐵路電燈及各項機器物件動用
銀兩前已奏明請免造冊報銷合無仰懇

天恩准予照數開支以清案款理合專摺具陳伏乞

皇上聖鑒敕部查照謹

奏

漢書卷之九十一

禮志卷之九十一

天恩普降所禮則支以帝業煥然合事

殿兩面曰奏即前殿直出雖離合無阻

藝亦那那洲與早那那谷工前那那那

有人員其領五事各員更那那等員

那那那那那那那那那那那那那那

那那那那那那那那那那那那那那

那那那那那那那那那那那那那那

那那那那那那那那那那那那那那

那那那那那那那那那那那那那那

造成捷順小輪船片

光緒十七年九月二十四日

再奉天大連灣新設水雷一營與礮臺相爲犄角其平日操習置設水雷應需小火輪船一號前經援照大沽守雷等船成案飭由大沽船塢估造並將該船應配名額餉數俟造成後核定附片奏明在案茲該船已於六月底造成命名捷順計船身長七十五英尺寬十六英尺鍋鑪機器馬力一百六十四匹其實用工料銀八千九百八十餘兩卽在淮軍協撥大連灣臺工內發給彙案報銷當將該船應設管駕舵水人等配齊飭赴大連灣供差常年煤炭油修一切活支之項不能預定其管駕舵水人等比照大沽水雷營守雷等船從減核定共設十五員名月需薪糧銀一百六十二兩自光緒十七年七月初一日起在於北洋海軍經費項下開支據海防支應局司道具詳前來除將管輪人等餉數開單分咨海

軍衙門戶兵工部外理合附片陳明伏乞

聖鑒謹

奏

臣等部酌擬定案其應行事宜各員需帶履歷一百六十二
冊各一冊古史之所不詳則亦其官職亦未人等出册大出本
官亦如辦理等情據報本入等列齊心往大軍衙門等處
千八百八十餘兩應否並軍國銀大車等項工內察辦等事
次只銀十六次只備辦等器銀六一百六十四共計銀工保人
臣等查案茲據報云云大員查案命各員等處各員等處
大古備辦等項並備辦等項各備辦等項等項等項等項
又水雷等項小大備辦一張備辦等項大古下等項等項
其奉天大車等項等項等項等項等項等項等項等項
其奉天大車等項等項等項等項等項等項等項等項

臣等查案茲據報云云

光緒十一年八月二十四日

奏保顧肇熙片

光緒十七年十月十四日

再前陝西鳳邠鹽法道顧肇熙上年服闋來津時值直境大水爲災工賑煩興臣以該員辦事實心條理精密當卽檄入賑局會同司道商辦冬春賑撫及各河工程輕重緩急之間均能酌核得宜次第蒞事該員明練樸誠體用兼備歷任吉林分巡道陝西鹽法道嫻於吏治所至均著政聲前後在北洋當差歷練有年通達事理於交涉洋務亦能留心講求臣素知其才本擬留直襄助昨經臺灣撫臣邵友濂奏調欽奉

諭旨發往差遣委用海疆重要自屬需才孔亟之時現賑撫業經就緒卽飭該員將經手事件料理清楚已於九月杪起程渡臺惟該員此次襄辦賑撫綜覈一切籌畫周詳於災區甚有裨益該員年力富強才具穩練洵屬有守有爲之選十年前已蒙

恩簡放實缺監司嗣於陝西鹽道任內丁憂回籍起服後本為選

缺應補人員可否仰懇

天恩存記簡用俾得及時圖報出自逾格

慈施謹附片具陳伏乞

聖鑒謹

奏

[Faded vertical text columns, likely bleed-through from the reverse side of the page]

奏稿前卷中 六十一 小年十月十四日

援剿朝陽匪黨摺

光緒十七年十月二十一日

奏爲口外教匪聚眾據城現令提臣督隊前往剿辦恭摺仰祈

聖鑒事竊臣於十月十六日接

盛京將軍臣裕祿電開據錦州府電報熱河朝陽縣於本月十三

日突有匪徒聚集數百人焚署劫獄盤踞未散現已派隊堵緝等

因當卽飛咨熱河都統臣德福就近派兵剿捕惟熱河防兵單弱

深慮賊匪竄擾蔓延時直隸提督臣葉志超適由山海關出巡邊

外各營臣卽飛咨察酌情形酌調馬步練軍迅速前往合力兜捕

十八日接錦州電局稟稱教匪已將敖漢貝子府焚殺回竄朝陽

聚眾二千餘人奉天已撥隊駐紮錦州防堵二十日接提臣咨復

十八日午刻在古北口接到臣咨同時接都統專函飛告賊匪將

抵平泉州勢甚危急卽派駐口之練軍中營參將韓照琦率步隊

三百人親督起程星夜前往平泉八溝一帶迎剿惟賊匪已聚至數千肆行搶掠熱境山路紛歧兜捕不易請就山海關蘆臺北塘三處酌派練軍出口會剿等語臣卽電飭現駐蘆臺之游擊夏青雲練軍馬隊後營現駐開平之副將楊元昇通永練軍馬隊現駐山海關之參將劉運昌親軍馬隊一營遊擊葉玉標練軍步隊一營各選精銳多備鎗彈分出石門喜峰口馳赴建昌一帶兜擊同日接都統臣咨報賊匪大股焚掠朝陽建昌屬境勢甚猖獗又接錦州委員電稟朝陽失守後四處匪徒響應愈集愈多現在東路有奉天派駐錦州之兵西南一路提臣親督馬步練軍前往迎剿恐賊勢窮蹙或竄西北又飛飭宣化鎮總兵王可陞酌派宣化練軍馬隊前赴多倫赤峰等處相機防堵竊查此股賊匪初起不過數百人數日之間已至數千焚掠蒙部陷踞縣城情同叛逆非尋

常土匪聚眾滋事可比口外地方遼闊本係馬賊出沒教匪聚集之區稍稽時日必至裹脅愈多驟難撲滅幸聞警之初適值提臣葉志超巡閱古北得以就近督隊前往藉壯聲威弁兵精練器械堅利當能剋期剿除淨盡不令釀成巨患奉天宣化兩處防隊亦可遏其回竄橫逸如果兵力不敷容再隨時察度添調俟剿辦得手卽行詳晰馳陳其朝陽縣失守各情應由熱河都統查明奏報所有直隸現派練軍馳往剿辦緣由理合繕摺由驛五百里具奏伏乞

皇上聖鑒訓示謹
奏

添隊勦辦朝陽匪黨摺

光緒十七年十月二十八日

奏爲遵

旨添派兵隊迅赴口外合力勦辦並分防遷安邊境恭摺仰祈
聖鑒事竊熱河朝陽等處教匪滋事業將派兵往勦情形於二十
一日馳陳並疊次電

奏在案欽奉二十四日

寄諭令添派勇營前赴熱河並派兵分紮遷安一帶以杜紛竄等
因欽此臣先已調派副將楊元昇參將劉運昌游擊夏青雲馬隊
三營於二十一二日起程又添調現駐軍糧城副將潘萬才銘軍
馬隊二營亦於二十二日起程均由乾溝喜峰口等處出口分向
建昌平泉進發適接提臣葉志超來函二十三日已抵平泉據稱
匪勢猖獗調兵未到僅帶古北練軍三百餘名未免太單請飭調

現駐蘆臺統領記名提督聶士成步隊四營六成隊前赴八溝以
便四面會剿等語臣本擬派聶士成率隊徑赴熱河因葉志超前
敵喫緊必須添調精銳以厚兵力爰電飭聶士成添選步隊一千
二百人備齊鎗礮改由喜峰口馳赴八溝已於二十五日拔隊以
上各營均由提臣相機調遣會合進剿惟熱河爲

園庭重地都統臣德福盼援急切臣處海防各軍業經抽調四千

人原營已形單薄幸時近封河大沽防務稍鬆又飭補用總兵鄭

崇義於大沽北岸礮臺內抽調直字營洋鎗隊六百人由古北口

徑赴熱河保衛

行宮並令副將任永清帶親軍馬隊六十人隨往以備偵探雕剿

之用卽日成行至遷安一帶與建昌平泉接壤關口空虛民情謠

惑又飭通永鎮總兵吳育仁挑帶北塘防營步隊前往喜峰口扼

紮以爲平泉聲援並飭於山海關防軍內添調記名總兵曾騰芳帶練軍中營赴湯道河等處扼守以防建昌敗匪內竄仍隨時察看口外賊勢軍情續籌調派近日朝陽建昌商民逃避來津者細詢此次賊匪突起皆由金丹在理兩教與入天主教之民素不相能口外州縣轄境遼闊大或七八百里地方官耳目未能周知防範亦所難及現在各處土匪響應股數甚多自非各路兵勇合力兜擊大挫兇鋒不足以示懲創第烏合之眾鎗礮無多尙不難於戰勝其愚民被教匪旬脅多由畏害勉從必須殲厥渠魁解散脅從以孤其黨而分其勢臣已刊發簡明告示勸諭鄉民早自反悔交提臣徧發張貼勦撫兼施庶籌辦更易得手除前敵戰狀已咨由葉志超隨時馳

奏外所有添派兵隊分赴口內外防勦緣由謹繕摺由驛五百里

子牙河隄變通修守摺

光緒十七年十月二十九日

奏爲查明大城縣子牙河西隄變通修守章程有利無害恭摺覆

陳仰祈

聖鑒事竊臣欽奉光緒十年十二月二十四日

寄諭御史恩隆奏順天大城縣當子牙河衝要民間修隄自衛該知縣忽改新章以致兩岸居民煩興怨讟等語河隄保衛民生總期有利無害該縣是否有改章滋怨情事及應如何妥籌辦理俾兩岸隄工均資保護之處著李鴻章等確查具奏等因欽此並准府尹咨會來直當行天津道飭委候補知縣駱孝先前往查訊未結嗣因縣民劉奎元等先後京控經臣飭委候補道金福曾赴縣確查該道檢查創始分隄原卷早經寢廢僅有自咸豐七年起按年修守隄段舊章內載某村修守隄工若干並無以地遠近攤派

修隄之數究係憑何分段無可稽考光緒八年臣以子牙河隄工
年久失修自滹沱改歸故道兩隄實爲田廬保障奏明撥款派員
加修並飭沿隄村民不時修守其西隄密邇大窪非若東隄地勢
較高內有蕩漾之處九年閒前署縣王益壽因舊章派辦修守貧
村地少工多如杜莊以七頃五十畝之地修四百四十餘丈之隄
八方村以二十頃之地修七百八十餘丈之隄民力何堪而王香
屯隄長所管八良村一段乃以二百六十頃之地修八十三丈之
隄則又地多工少彼此相懸數倍未免苦樂不均且楊家口村在
河東於西岸並無一畝之地派修西隄四百餘丈夫利於西者害
於東豈能強而爲此舊章歷年已久形勢變遷每值派辦修防異
常掣肘是以酌照西隄現存地畝按畝分隄計地一畝修隄四寸
四分零改定新章稟明立案當時實有不能不改之勢候補知府

惲桂孫前八年閒修築西隄卽係按畝派工王益壽之請改舊章亦本此意其減者因地少而減增者因地多而增本非有所偏倚惟築隄事暫眾議尙肯勉從修守事常豪戶尤多未洽王益壽於交卸時恩恩舉辦未及與眾紳民先事籌商後任陳壽椿照依新章派辦在舊章地少隄多減派各村固所樂從而地多隄少饒裕各村相沿已久頓加隄段劣紳富戶希圖規避因而煽惑愚民捏詞糾控並無兩岸居民煩興怨讟之事查按地分隄固屬至公第與舊章多少懸殊勉派爲難不得不量爲變通因卽會同天津道參酌情形除舊章地少隄多之村新章核減不過多及舊章地多隄少之村新章核增不過多者均毋庸議改外其新章增加隄段之村如較舊章所增過多又或距隄甚遠應分別核減以順輿情但問應減不應減不論具控不具控庶民氣可平爭端自息新章

減少隄段之村如較舊章所減過多又或地處沿隄應量予核增以歸平允擬照新章原定尺寸稍加一二仍視舊章大爲減除俾無異議以上應減應增各村必須明示所以增減之故仍照新章按畝分隄尺寸核派多少不籠統增減致啟民疑等情詳經批准飭縣出示諭遵各村允服先後認段修守現已試辦四年毫無窒礙據升任天津道胡燏棻詳請復奏前來臣查大城縣子牙河隄實爲衝要西隄密邇大窪較東隄尤爲喫重近年以來疊撥官款培築民間修守定章歷久廢棄馴至貧村地少工多富村地多工少弊端百出苦樂不均每遇修防觀望推諉貽誤滋多前署縣王益壽稟定按地派工每畝僅認四寸零輕而易舉公允便民向來地多工少各村堅不認段實係挾私抗拒並非派辦不公且與東岸居民毫無干涉該御史原奏所稱兩岸居民煩興怨讟自係傳

聞之誤該道等就王益壽稟准新章量爲變通分別遠近劃撥增減輿情允協修守認真現已試辦四年有利無害應令永遠遵循其資保衛理合會同兼管順天府府尹臣祁世長順天府府尹臣孫楫恭摺據實復陳伏乞

皇上聖鑒謹

奏

生性靈

中世亦曾親覽其真

其為宋高皇帝會同孫曾即天授御兵出御世氣即天授御兵

其與御兵同御兵曰左執四平首以無害御兵不

同之與御兵同御兵正登其果其御兵御兵御兵

北洋修理運船片

光緒十七年十月二十九日

再北洋海軍及沿海防營轉運料物餉械僅有利運一船差務紛繁日不暇給近年添築旅順口威海衛大連灣等處礮臺遇有大批料械必須另雇商輪既費鉅貲又虞遲誤按照海軍奏定章程北洋應添購運船一艘因庫款支絀未敢遽增茲查有海境輪船原供北洋轉運前經調往臺灣差遣本年夏閒撫臣劉銘傳以無款籌修仍請調歸北洋應用該船木壳堅實貨艙寬敞加以修理即可供運飭據旅順船塢核實估計修費銀三萬餘兩內工價銀一萬餘兩歸船塢常年經費支銷無須另行撥款應需料價銀二萬有奇卽在北洋海軍經費內竭力籌撥其配設員弁水手五十員名月支薪糧公費銀一千二百四十六兩均係查照北洋原定報部章程辦理得此船以助轉運既省添造新船之費又省另

雇商輪之資於北洋防務實有裨益該船於六月閒駛到旅順卽
於是月開支薪餉六月以前已由臺灣核發據海防支應局司道
具詳前來臣覆核無異除將薪餉公費清摺分咨海軍衙門戶兵
工部查核立案外理合附片陳明伏乞

聖鑒謹

奏

北洋防務... 奏... 臣... 覆核... 無異... 除將... 薪餉... 公費... 清摺... 分咨... 海軍... 衙門... 戶兵... 工部... 查核... 立案... 外理... 合附... 片陳... 明伏... 乞

近省隄河工程片

光緒十七年十月二十九日

再保定省城附近河道隄工或工段縣長或地居險要皆關民生利害必須認真修防前經奏定每年於清河道庫河淤地租墜船祕夫生息項下撥銀三千兩爲各工採購料物搶修之用免其造冊報銷經工部復准仍令工竣時開單奏報嗣因地租生息不敷動支奏准於藩庫旗租項下湊撥在案光緒十七年開凍後卽飭照數撥給購備椿料伏秋各河屢漲險工疊出均經該道督率印委分投搶護平穩據清河道潘駿德會同藩臬兩司將工丈尺動用銀數照章詳報前來除民夫土方等項仍歸民辦外所有搶修椿料用款復核無異理合開具簡明清單附片具陳伏乞

聖鑒敕部知照謹

奏

...

...

...

...

...

...

...

...

...

...

武倉限河工

光緒十一年十一月二十六日

布置防遏朝陽賊黨摺

光緒十七年十一月初六日

奏爲通籌布置遵

旨覆陳仰祈

聖鑒事竊臣欽奉十月二十七日

寄諭熱河賊勢竄擾勢甚猖獗直隸沿邊各口徑路分歧亟須加
意防守以杜內竄應如何調派各軍分路駐紮著李鴻章統籌全
局安速布置不得稍有大意等因欽此伏讀之下仰見

聖慮周詳綢繆門戶之至意欽悚莫名連日查探賊勢並疊接提
督葉志超咨函臣前調馬步各隊陸續齊抵建昌平泉一帶分路
進剿屢獲大勝昨經臣據情電

奏在案平泉建昌等處與直境之永平遷安毗連最關緊要誠恐
平建敗匪乘隙竄入臣前已飭派通永鎮總兵吳育仁酌帶北塘

防營兵勇馳往周巡各關隘口嚴密扼紮盤詰奸細如有賊竄近邊實力勦捕近接稟報因前敵獲捷賊餒頓衰地方商民均安堵無恐至古北口宣化等處均與熱河西南接壤賊蹤現在東北朝陽建昌一帶西距熱河尙遠臣既派鄭崇義等鎗隊抵防熱河可資遮蔽自未便於離賊較遠之處調兵設防致令百姓驚疑臣惟持以鎮靜密飭津防馬步各軍及保定正定各防營預備精銳隊伍無論沿邊何處一有警報立即酌量派撥兼程迎勦不致有誤機宜亦不敢稍涉大意所有遵

旨妥籌布置緣由繕摺由驛覆陳伏乞

皇上聖鑒謹

奏

宣化歷勦賊匪請獎摺

光緒十七年十一月十六日

奏爲直隸宣化練軍歷年勦辦口外馬賊土匪出力員弁籲懇
天恩俯准援案給獎繕單恭摺仰祈

聖鑒事竊查直隸宣化地方本係沿邊要隘東北獨石多倫白岔
經棚一帶與熱河圍場毗連西北與蒙古各旗游牧及山西之歸
化豐鎮接壤山徑崎嶇蜿蜒千餘里匪徒最易潛匿口外馬賊往
往勾結土匪肆行劫掠擾害邊境宣化鎮標自改練馬隊後疊經
飭派弁兵分赴各口巡防緝捕計自光緒六年起至本年九月間
先後拏辦馬賊土匪三十五起臨陣格斃及獲案訊明正法匪犯
一千餘名光緒十年間克什克騰旗遊匪聚眾滋事該鎮標派出
練軍在畢流溝三義泉青龍背坤兌川等處疊次兜勦擊斃賊匪
八百餘名匪首王端芒周沅得等受傷逃竄黑龍江遂爲該處官

兵擒獲邊地賴以肅清勞績實爲最著茲據宣化鎮總兵王可陞
查明實在出力人員開單呈請奏獎前來臣查宣化練軍馬隊弁
兵十餘年來勦辦口外賊匪綏靖邊陲不無微勞足錄克什克騰
旗游匪滋事一役並能不分畛域遠赴蒙古游牧合力追勦保衛
藩服洵屬異常奮勉塞外天氣嚴寒地勢險阻賊匪盤居山谷負
隅抗拒每屆冬令各員弁入山搜捕奔走於冰天雪地之中攀巖
越澗衝冒鋒鏑較之內地勦賊尤爲艱苦近年拏獲馬賊土匪之
案奉天二年奏保一次熱河三年奏保一次宣化練軍事同一律
歷時至十餘年之久核其勞績較奉天熱河爲多迄今未邀甄敘
殊覺向隅自應援案奏請以示鼓勵謹將單開各員核實刪減擇
其尤爲出力者分別酌擬獎敘繕具清單恭呈

御覽仰懇

天恩俯准照擬給獎出自

慈施逾格口外地方遼闊伏莽甚多若蒙

聖明優敘前勞各將士感激奮興必更當效命馳驅力圖報稱除
應給千把等項照章咨部註冊並飭取履歷彙送外所有查明宣
化練軍歷年勦辦賊匪出力員弁籲請獎敘緣由理合繕單恭摺
具陳伏乞

皇上聖鑒訓示謹

奏

續收賑捐片

光緒十七年十一月十六日

再上年直屬水災奇重工賑繁興庫儲支絀經臣奏准開辦推廣賑捐業將上年六月勸辦賑捐起結至本年三月底止收過本省外省捐項兩次奏報在案茲查自本年四月起截至六月底止除安徽學政錢桂森湖北藩司王之春雲南藩司史念祖陝西臬司唐樹楠前江蘇臬司陳欽銘記名提督郭占元雲南昭通鎮總兵何雄輝直隸通永鎮總兵吳育仁兩江儘先副將張文宣前津海關道劉汝翼雲南迤西道陳席珍前四川永甯道李經羲福建候補道孫灃廣東候補道周炳勳奉天候補道徐本衡榮森浙江試用道錢應桂候選道戴宗騫廣東惠州府知府盧秉政雲南永昌府知府鄒馨蘭代理福建臺灣府知府方祖蔭安徽候補知府孫廷林直隸深州直隸州江槐序天津海防同知史善詒遷安縣知

縣牛昶煦主事職銜張權中候選詹事府主簿蔣國琦廣西監生
岑春莫紳士黃騫翰楊永畋劉其恭李逢亨何兆英陳國芬陳廷
琛張振勳徐若藩徐陞銜徐壽民紳婦顧張氏節婦楊李氏羅吳
氏孀婦宋雷氏等共捐銀十一萬六千八百十八兩均經臣及兩
廣兩江四川安徽雲南各督撫臣先後專案奏請建坊獎敘外續
收到本省外省官紳商富捐解直隸賑銀共八十七萬四千七百
四十七兩二錢六釐七毫四絲業飭籌賑局兌收濟用查上年直
境災重且廣秋麥未經播種多係補種春麥而窪區積水一時未
能涸復是以今年麥收較遲查辦數十州縣春撫直至五月間始
能告竣除撥發漕米外用銀已二十餘萬此外修濬北運大清子
牙瀦龍薊運鳳河各河隄南運之捷地減河普律挑挖及古北口
修辦河壩鉅工同時並舉以工代賑需款不下六十餘萬正苦無

從籌措幸賴此項捐款陸續接濟隨時應付俾工撫兩項得以放手搶辦億萬災黎不致委填溝壑各河要工亦均剋期蒞事實爲始願所不及應將捐數先行奏報飭取捐生履歷造冊咨部核獎以示鼓勵除六月以後捐項俟截止後核明實收若干再行奏報外所有本年四五六三箇月續收賑捐銀數理合附片具陳伏乞聖鑒敕部立案謹

奏

添派馬隊會剿朝陽教匪摺

光緒十七年十一月二十一日

奏爲添派馬隊迅赴口外合力會剿並布置全局情形恭摺仰祈
聖鑒事竊提臣葉志超連日在平泉建昌等處剿辦教匪屢獲勝
仗並督軍分路進剿情形已由提臣疊次奏報茲疊接該提臣函
咨探聞建昌東北路喀喇沁窪一帶大小股匪尙多且有馬賊句
結滋擾朝陽股匪大小仍有二三十股平泉建昌赤峰三屬交界
一帶地廣山深道路歧曲敗殘賊匪盤踞其中以爲逋逃淵藪搜
剿不易附近居民投入賊黨以求保護身家官軍至則爲民官軍
去則仍從賊烏合之眾聚散無常巢穴所在股數多少實在情形
亦難確指等語臣查此次賊匪起事不過數旬已分股至數十集
眾至數萬平建各股疊被官軍擊滅而朝陽各處匪股仍不少衰
口外地方遼闊外連蒙古近逼圍場處處皆虞竄擾又值嚴寒之

際窮搜遠逐極難爲功臣細察情形仍非厚集兵力多添馬隊雕
勦兜圍未易一鼓殲滅現值海河封凍津防少鬆查有駐紮馬廠
之統帶盛軍飛騎馬隊五營副將呂本元操練鎗技久臻嫻熟士
馬精強足以制勝當卽飭令該副將統率所部馬隊正營及參將
張學俊游擊蘇仲發吳永發守備孫吉武前後左右四營卽日整
頓隊伍多備鎗彈分出喜峰口鐵門關馳赴平泉建昌一帶提臣
營次聽候調遣與諸軍合力進勦現在平泉迤西至喜峰口建昌
迤西至湯道河各股賊匪均已勦平遵化遷安等處邊口較前靜
謐臣並檄飭派駐喜峰口之通永鎮總兵吳育仁酌帶兵隊進駐
平泉以顧前敵各軍糧餉軍火後路仍就近兼顧喜峰邊門一帶
防務以便替出留駐平泉等處練軍併赴前敵以厚兵勢前當朝
陽滋事之初臣卽慮賊股分竄西北奏派宣化鎮總兵王可陞速

派馬隊馳赴多倫赤峰堵剿旋接赤峰縣營稟報該處土匪蠶起環縣數十里內村鎮均被佔據被圍緊急卽據該鎮稟報已令練軍翼長記名提督楊正清署多倫協副將徐平川等帶馬隊五百名折回南路星馳赴援該鎮卽日馳赴多倫駐紮以資策應現赤峰縣南大甯城二道橋等處踞賊已爲副將潘萬才擊散節節掃蕩前進兩軍會擊縣境計可肅清臣惟隨時督飭葉志超會合諸軍迅圖撲滅並勛其親臨前敵激勵軍心審察機宜妥爲調度務須盡殲首逆解散脅從以弭巨患除前敵進剿情事仍由提臣隨時奏報外所有添派馬隊出口會剿並布置全局各緣由謹繕摺由驛五百里馳陳伏乞

皇上聖鑒謹

奏

Blank page with faint vertical lines.

覆陳朝陽賊情片

光緒十七年十一月二十一日

再正繕摺開接總理衙門電十一月二十一日奉

旨奉直兩軍疊次剿賊獲勝尙屬得手惟敗殘賊匪現在分竄何處股數尙有若干著卽飭令確切偵探詳悉覆奏並先電聞欽此臣連日接據提臣葉志超函咨平泉及建昌西南各股賊匪疊被官軍剿除餘匪竄匿山谷尙須搜捕至建昌東北及朝陽一帶賊股尙多未得確數當於摺內據實

上陳查平泉建昌與直隸接壤而朝陽一縣則與奉天毗連奉天派出各軍尙未深入疊據錦州電報局稟稱奉軍擊散該處賊股又稱賊匪四起旋滅旋生眾寡傳說不一難以盡憑現在提臣已將平建等處賊股掃蕩由臣咨令親督全軍移駐建平朝赤適中之地偵探易於確實臣謹卽恭錄

諭旨飛咨該提臣欽遵查照詳探明確俟覆到日另行奏報理合
附片先行陳明伏乞

聖鑒謹

奏

淮軍報銷摺

光緒十七年十一月三十日

奏爲光緒十六年分淮軍收支款目列爲第十九案造冊報銷繕單恭摺仰祈

聖鑒事竊照淮軍收支款項業經截至光緒十五年十二月底止列爲第十八案報銷於光緒十六年十一月十六日具奏奉

硃批該部議奏單併發欽此並經造冊送部接准部復按冊核銷在案伏查淮軍分駐直隸沿海各口要區並奉天之旅順口大連灣及山東威海衛等處計護衛親兵武毅仁盛銘楚護軍親慶馬步水師共五十一營同水陸各哨棚併護運餉械弁勇統歸淮軍案內造冊彙總請銷今自光緒十六年正月截至是年十二月底止列爲第十九案所有統領營哨官弁員名勇夫開收總數駐防處所先經造冊分咨軍機處暨戶兵工部備查又將支給正雜

款項增裁數目遵照新章每三箇月開報一次咨送各部查核其
淮軍水師各營並隨營辦事支應等差文武官弁親兵勇夫薪費
口糧倒補馬匹柴薪車價駝騾餵養卹賞水陸轉運價腳夫工采
辦製造用款油艫船隻經費正雜各項均循前案楚軍營制與奏
定章程歷屆准銷例案分別截清起止所用銀數概按湘平折實
庫平接續造報飭據淮軍報銷局司道逐款清釐查核舊管銀六
十六萬一千三百二十四兩三錢有奇新收銀二百四十二萬六
千一百六兩七錢有奇登除並附銷銀三十八萬三千六十七兩
三錢有奇開除正雜等項遵照部議酌定軍需報銷章程各歸各
部核銷計應歸戶部核銷銀一百九十九萬八千四百七十四兩
八錢有奇應歸兵部核銷銀三萬二千八百五十六兩四錢有奇
應歸工部核銷銀六萬五千六百九十六兩二錢有奇統其請銷

銀二百九萬七千二十七兩六錢有奇應截存銀六十萬七千三百三十六兩一錢有奇已接支光緒十七年正月起淮軍馬步水師營哨正雜餉項並購製中外軍火器械工價預儲軍米等項動放無存歸於後案舊管項下滾接造報等情具詳請

奏前來臣查淮軍各營分駐直隸天津大沽北塘蘆臺至山海關沿海一帶並奉天之旅順大連灣各海口修築新式礮臺擇要扼守練習後膛鎗礮水雷魚雷各用法仿照西洋陣式講求制勝機宜俾聲威旣張敵情自懾實爲消患無形之計海疆千餘里分防布置內衛

京畿門戶外控藩屬鄰邦有事得資應援尙稱緩急可恃餉項乃計口授食之需關係至重厯屆報銷案內截存銀兩皆係設法節縮並將月餉酌量緩欠誠以近畿海防關係重大無時敢忘戰備

不得不稍留餘地藉應急需現計欠餉仍有一百六十萬六千六百四十四兩有奇若將截存銀兩儘數抵補不敷甚巨況次年各軍食米須先期發價赴南省購運方免臨時缺誤此項米價向在截存項下酌撥近因各省關額解淮餉短少往往入不敷出遂至截存銀兩動放無存惟有隨時諄催各省關實力籌解冀免遇事束手所有造報十六年正雜款項均係循照歷屆准銷成案撙節支發實用實銷並無絲毫浮冒除分造細冊咨送各部核銷並將以後用款接續造報外理合專摺具

奏並繕簡明清單恭呈

御覽伏乞

皇上聖鑒謹

奏

軍需交涉洋務片

光緒十七年十一月三十日

再准軍海防各營洋鎗礮隊教習人等辛工礮費輪船薪糧並購置外洋軍械器具各物件運解礮火輪船水腳及天津行營機器製造局委員人等薪糧公費工匠工食料物購價等項多與洋人交涉均屬無例可循至操練後膛洋礮拉礮車馬餵養夫工係照奏定章程同倒補馬匹例價分別核實支給業將截至光緒十五年十二月底止用款附片

奏銷在案伏查此次造報光緒十六年正月起截至是年十二月底止第十九案內前項各款遵照新章將增裁支用數目彙入季報清冊先後咨部立案茲據該司道等按款復加查核係照案接續支給並奉文飭發均無浮冒遵章將支用款目各歸各部核銷計應歸戶部核銷教習人等薪糧公費匠工拉礮馱運車馬餵養

等銀十一萬一千三百四十三兩九錢有奇應歸兵部核銷輪船
薪糧夫工船價運腳保險費倒補馬價等銀三萬六千一百八十
二兩七錢有奇應歸工部核銷油飾小修礮費購置外洋各項料
物器具價值等銀五萬四百十九兩八錢有奇共計請銷銀十九
萬七千九百四十六兩五錢有奇照案分晰另造支銷細冊詳請

附

奏前來臣查前項淮軍各營洋鎗礮隊教習通事工匠人等辛工
購買物料洋軍火價值運腳各款多與洋人交涉無例可循仍應
查照歷屆成案據實請銷除將細冊咨送總理衙門戶兵工部核
銷外伏乞

聖鑒謹附片具

奏

淮軍水師報銷片

光緒十七年十一月三十日

再淮軍水師營哨原設各礮船按照釘修年月扣至光緒十六年均已屆限船身朽壞應分別撥款造修又天津行營機器製造局更換車鑽各牀及鍋鑪購製物料工價等項業將動用各款數目遵照新章彙入季報清冊先後咨部立案茲據該司道按款復加查核與定章及奉准飭發銀數均屬無浮計應歸戶部核銷銀三百八十五兩有奇應歸工部核銷銀五千三百三十九兩一錢有奇共計請銷銀五千七百二十四兩一錢有奇專案分造支銷細冊詳請附

奏前來臣查前項造修船工購換車鑽各牀及鍋鑪等用款或查照定章核實支給或與外洋交涉無例可循均係撙節動用並無絲毫浮冒自應專案據實請銷除將細冊分咨戶工部核銷外理

合附片具陳伏乞

聖鑒謹

奏

司道統領工撫出力片

光緒十七年十一月三十日

再查直屬上年水患之大災象之重爲數十年所未有各河同時漫溢天津地處下游眾流所匯衛南窪等處週圍數百里水深丈餘民遭昏墊城廂內外岌岌可危臣飭會統盛軍甘肅甯夏鎮總兵衛汝貴督率隊伍設法疏通該鎮遍歷災區奔走泥淖自秋徂冬親督士卒開溝洩水於海河下游之羊碼頭地方挑挖減河數道使巨浸滔滔得以順流入海居民獲慶更生並於督工之際捐購高粱親自散放隱行其惠該處紳民謂去夏水患歷來所無而消退迅速非該鎮之力不及此又升任廣西臬司前天津道胡燏棻自到任後整頓地方講求河務久著政聲去夏順直猝被水災庫儲奇絀該司統籌全局殫慮竭忠數月之間籌集捐款百餘萬堵築各河漫口數十處全活災黎不可勝計近畿士庶無不感念

謫思臣實深資臂助該司現已蒙

恩簡擢才堪大用自在

聖明洞鑒之中惟其籌辦巨資工賑獨爲其難不得不略陳梗概
又直隸藩司裕長督辦省城附近賑務任事實心畿南十數州縣
遴派印委分任工撫條理秩然大稜之後人心賴以安定並設法
會勸新海防捐銀二十餘萬解充順賑尤爲顧全大局有裨災區
又升任廣東臬司前長蘆運司額勒精額現任長蘆運司季邦楨
前津海關道劉汝翼會同辦理賑務皆能悉心籌畫精詳鉅細靡
遺勤勞罔解除自捐賑款外又復廣勸商捐源源接濟近年長蘆
商情疲累而捐款較多實該司等督率勸籌之力又會統盛軍湖
南永州鎮總兵賈起勝統帶天津練軍記名提督何永盛上年幫
同堵築南運河楊柳青及北運河東西兩岸漫口均能不辭況瘁

力與水爭剋日竣工俾得普種春麥民生利賴現在直省賑務告
蒧追敘前勞凡各省勸捐出力人員均已次第陳請優獎該總兵
司道等力支危局宏濟艱難有功於地方非淺可否仰懇

天恩俯准將衛汝貴裕長胡燦棻

賞給頭品頂戴李邦楨

賞加二品銜額勒精額劉汝翼賈起勝何永盛一併

敕部從優議敘之處出自逾格

慈施謹附片據實具陳伏乞

聖鑒訓示謹

奏

美善臨示

新加坡州府官員刺刺

山前山後山中之山山自愈

山前山後山中之山山自愈

山前山後山中之山山自愈

山前山後山中之山山自愈

山前山後山中之山山自愈

山前山後山中之山山自愈

山前山後山中之山山自愈

賑捐餘款生息備賑片

光緒十七年十一月三十日

再查直隸地勢西南多高東北多下旱則赤地千里潦則一片汪洋偏災恆有小民待耕而食夙鮮蓋藏偶遇災荒流離載道賑撫之款不可不豫爲籌儲無如直省係缺額之區司局各庫拮据異常實難另行籌撥卽如上年各屬猝被水災數百萬垂盡災黎嗷嗷待哺慘難言喻若非各省捐款立時解濟幾致束手無策目下賑務雖已告戡懲前毖後尤當爲綢繆未雨之謀據籌賑局司道以現在辦理工撫力求節省捐款尙有餘存因查光緒九年十三年前順天府尹臣周家楣薛福辰等任內曾將賑餘銀兩發商生息作爲順屬備荒成本擬請仿照辦理提撥銀四十萬兩發交殷實號商分別承領存儲生息以備順直各屬災賑之用請奏明立案前來臣查所議酌提賑捐餘款發商生息專備賑撫要需

畿輔根本重地民生休戚動關

宸慮得此巨款儲備緩急有恃俾免臨事棘手大局裨益非淺當
飭該司道照議辦理無論地方何項公用不准擅挪絲毫將來如
遇賑需提撥若干仍隨時奏明以昭核實理合附片具陳伏乞
聖鑒敕部立案謹

奏

浙江助賑請獎片

光緒十七年十一月三十日

再上年順直被災奇重工賑需款浩繁本省庫儲支絀萬難措手
經臣奏准開辦賑捐分咨各省廣爲勸募幸賴各督撫司道公忠
體

國合力通籌源源接濟而福建係著名瘠區浙江值大祲之後物
力彫敝勸辦較他省尤難今查福建共籌捐銀三十餘萬兩浙江
共籌捐銀二十餘萬兩均已分批報解清楚俾災區工撫得以放
手趕辦惠濟殊非淺鮮福建則賴前藩司現調浙江藩司劉樹堂
之力浙江則賴運司惠年候補道宗源瀚在籍紳士直隸候補道
金福曾之力該司道等才長心細體用兼賅辦捐事事核實人皆
信服用能集成鉅款有裨要需其綜覈之精詳籌畫之周密實非
尋常出力可比自應奏請優獎藉酬勞勩臣查前升任陝西藩司

陶模廣西藩司張聯桂因督勸江蘇賑捐經前署兩江督臣沈秉成奏蒙

賞給頭品頂戴又各省勸辦賑捐員紳歷經奏請

傳旨嘉獎有案可否仰懇

天恩俯准將劉樹堂

賞給頭品頂戴並准將惠年宗源瀚金福曾一併

傳旨嘉獎以昭激勸出自逾格

懇施謹附片具陳伏乞

聖鑒訓示謹

奏

賑務告竣請獎摺

光緒十七年十二月十二日

奏爲直屬賑務告竣查明辦理工撫及勸捐出力各官紳遵

旨擇尤酌保繕單恭摺仰祈

聖鑒事竊照上年六月閒直屬霪雨爲災各河漫溢工賑棘手經
臣奏明俟事竣將勸捐辦賑各官紳按照河工海運勞績擇尤請
獎奉

旨允准欽遵在案茲據籌賑局司道查明出力各員開單請奏前
來臣查去年夏閒水患之大災區之廣爲數十年所未有被災地
方除順屬不計外直屬州縣至四十餘處之多數百萬垂盡災黎
流離載道慘不忍睹臣督飭司道遴派印委分投拯救紮筏濟渡
搭棚棲止趕辦急撫迨交冬令風雪嚴寒凍餒交迫節經委員馳
往各州縣會同地方官紳親查戶口妥爲撫恤散放錢米棉衣不

淮稍涉遺濫並於省城天津等處多設粥廠留養飢民本年因積
水消退較遲地畝多未涸復青黃不接覓食維艱又經接辦春撫
直至五月閒始行告竣全活災民不可勝計至永定大清南北兩
運子牙瀦龍各河去夏同時決隄漫口上下千數百里一片汪洋
天津地勢極窪爲眾流所歸城廂內外水深數尺岌岌可危決口
一日不堵人心一日不安當派淮練各軍於天津衛南窪一帶相
度地勢分開減河設法疏消積水一面嚴飭辦工文武各員迅籌
堵合力與水爭數月之間修築決口數十道本年春閒復將各河
隄岸加高培厚凡有應行疏濬之處一律挑挖寬深伏秋大汛獲
慶安瀾涸出地畝亦得及時播種流民逐漸歸耕又因工撫兩項
需費過鉅庫款支絀無從籌撥除函電各省廣爲勸募外分飭本
省各屬官紳設法籌助先後集款數十萬陸續接濟藉免竭蹶之

虞現在賑務河工均已蒞事查順屬出力人員業經順天府尹臣
奏請獎敘所有直屬放賑辦工各官紳等或躬歷災區保全民命
或胼胝工作卓著辛勤其勸辦賑捐各員值本省大禱之後物力
艱窘復能苦心籌畫集成鉅款濟助要需有功於地方匪淺自應
從優獎敘以示鼓勵其勞績較次者已核實刪減酌給外獎謹擇
其尤爲出力之員彙繕清單恭呈

御覽仰懇

天恩俯准照擬給獎出自逾格

慈施除飭取履歷咨部外理合恭摺具陳伏乞

皇上聖鑒訓示謹

奏

皇王聖德昭示

聖德昭示如日月之麗天

天恩如雨露如雲霓

昭昭如日

皇天無出於左員象

我勳我德以示其德

聖德昭示如日月之麗天

聖德昭示如日月之麗天

聖德昭示如日月之麗天

聖德昭示如日月之麗天

鹽課照額全完請獎片

光緒十七年十二月十二日

再查長蘆直隸引岸地瘠民貧素爲極滯之區天津永平等府屬沿海州縣則有海私充斥其與潞淮東等處毗連引地則有鄰私侵灌兼以兩省腹地遍產硝鹽侵占額引商情極形疲累參懸相繼課額虧短甚鉅數十年來疊被兵燹災荒幾致敗壞不可收拾溯自道光二十八年

欽差王大臣查辦長蘆鹽務以後僅於咸豐元年照額十分全完此後徵完引課不過八分餘商力已異常竭蹶疊飭嚴革陋規減輕商本殄除梟販杜絕私充通綱積困漸蘇光緒九年後徵收正課已在九分以上逐年有增無減本屆該運司李邦楨奏銷十五年引課業已埽數徵齊照額全完查光緒八年以前現商僅完課銀二十七萬兩上下本屆現商課銀徵至四十一萬有奇由於從

前懸岸過多以致引課虧短道光二十八年共有懸岸四十四處數十年來未能一律招商認辦截至光緒八年尙有開州等二十八州縣懸岸共計懸引十一萬餘道疊經各前司暨該司設法整頓飭商或包額認辦或加數認運本年奏銷十五年引課僅餘懸引三萬三千八百三十道除以歷年捆運及津武口岸商人代銷懸引交款彌補外尙欠懸課銀一萬一千七百餘兩已由庫支節省項下照數撥補另案咨部統計照額十分全完爲四十年來所未有該司職任嵯綱值此餉需奇絀自應力圖規復惟是蘆岸當疲困之餘救敝扶衰措手不易況裕課全在督銷督銷重在緝私蘆岸向無官巡營兵統歸各商雇募巡役各該州縣雖有督銷之責而梟販出沒靡常此拏彼竄地方官應辦事件甚繁勢不能爲商督巡越境緝捕不若委員專司其事豫岸距津尤遠鞭長莫及

非有明幹大員難資統攝經臣札委候選道嚴信厚督銷河南官
運事宜該道督率委員認真經理設法疏銷各岸日有起色此外
各員分委直豫各岸督汛緝私亦均各自奮興晝夜帶汛梭巡寒
暑無閒遇有大幫梟匪奮不顧身上前兜拏梟黨漸知斂戢課額
逐年加增本屆奏銷竟能十分全完實屬著有成效查光緒八年
戶部奏准長蘆懸岸地方官能於一年內悉數規復課額日增量
予獎敘今地方官旣難專司督緝該委員等不辭勞瘁認真經理
其督銷之懸岸規復全額者計自光緒八年以後已不下十餘州
縣課額所增甚鉅較之地方官僅能規復一州一縣引課者不啻
十倍過之自不得繩以一年之限且該委員等本非地方人員卽
與部章地方應辦諸務不准請獎者有閒若不給予獎敘殊不足
以昭激勸據該司季邦楨擇尤開單詳請具奏前來二品頂戴候

選道嚴信厚擬請以道員不論雙單月遇缺卽選三品銜河南候
補知府陳俊請俟補缺後以道員補用運同銜東河補用通判郭
澍滋請俟補缺後以同知補用同知銜分省補用知縣吳立達請
俟補缺後以直隸州補用五品銜卓異候升鹽經歷孫金鎔請以
布政司理問在任遇缺卽補儘先選用州同朱成衍請俟得缺後
以知州補用該運司季邦楨辦事認真督催不遺餘力應併請交
部從優議敘仰懇
天恩俯念蘆綱振興匪易准予照擬給獎勵其前勞卽所以策其
後效理合附片具陳伏乞

聖鑒訓示謹

奏

機器局報銷摺

光緒十七年十二月十二日

奏爲天津機器局光緒十五年分動用經費照章造冊報銷恭摺
仰祈

聖鑒事竊照天津機器局經費奏明動撥津海東海兩關四成洋
稅截至光緒十四年止業將收支款目造冊奏報經部核覆准銷
並將十五年支給薪工等款分別咨部立案茲據該局司道沈保
靖等將十五年分應行造銷各冊分晰開報計上屆存銀十五萬
二千二百五十七兩有奇本屆十二箇月共收撥解四成洋稅並
撥江海關洋藥釐金及各省撥還銀三十五萬八千七百六兩有
奇其支銷銀三十八萬三千七十四兩有奇應存銀十二萬七千
八百八十九兩有奇業經定購外洋器料並添建廠房工程動用
應歸付清價腳及工竣之年報銷所有本屆應銷各款仍照向章

各歸各冊計全案收支總數及員弁司事夫役人等薪工爲第一冊購辦物料續建工程及核付保險運腳等項爲第二冊收支物料分項造報用存物料作爲光緒十六年舊管爲第三冊製成軍火撥發各項爲第四冊外撥各船薪糧物料及行營製造局用料爲第五冊神機營撥用物料爲第六冊又十五年承造

昆明湖船塢工程並

西苑安設電燈鐵路購運水龍舢板等項工料價腳銀兩前已聲明彙入十五年冊內請銷另造清冊一分附呈查核其製成軍火仍造冊咨送總理各國事務衙門備查至製造各項器械皆仿西洋新式所用工料難以例價相繩循照歷屆章程實用實銷詳請具奏前來臣復加確核委係核實動用毫無浮冒北洋籌辦海防

拱衛

畿輔各營需用軍火爲費不貲加以創立海軍凡鐵艦快船魚雷艇水雷營及各口礮臺應需軍火名目旣多關係尤重該局爲水陸各軍取給之源凡火藥子彈等件旣須供支常年操防之用尤須豫備意外不虞之需該局員均能勤慎耐勞督飭工匠加緊製造惟應領額款僅指津東兩海關四成洋稅及海軍衙門撥給洋藥釐金款少用多時虞竭蹶現須添造西洋新式長礮鋼彈新式栗色火藥雖海軍章程內奏明應另撥銀八萬兩乃各省關解難足額未能如數勻撥經費實形支絀惟有督飭局員就款搏節動用勉力支持冀免貽誤除將清冊分送總理衙門暨戶兵工三部查照外所有天津機器局光緒十五年動用經費造冊報銷緣由理合恭摺具陳伏乞

皇上聖鑒謹

奏

奏稱七十三

臣等謹將臣等所奏

一、臣等所奏各款，均經奉旨交部知道。欽此。

一、臣等所奏各款，均經奉旨交部知道。欽此。

一、臣等所奏各款，均經奉旨交部知道。欽此。

一、臣等所奏各款，均經奉旨交部知道。欽此。

一、臣等所奏各款，均經奉旨交部知道。欽此。

一、臣等所奏各款，均經奉旨交部知道。欽此。

一、臣等所奏各款，均經奉旨交部知道。欽此。

一、臣等所奏各款，均經奉旨交部知道。欽此。

一、臣等所奏各款，均經奉旨交部知道。欽此。

一、臣等所奏各款，均經奉旨交部知道。欽此。

熱河肅清留營鎮壓片

光緒十七年十二月十六日

再熱河所屬地方各股賊匪已報肅清現應酌留提督聶士成等所帶淮練各營分駐朝陽平泉建昌三州縣其赤峰一處前擬由熱河都統酌派旗隊往駐旋疊據提臣葉志超來電並函稱赤峰迤北及平建交界等處地方遼闊伏莽尙多須有精銳馬隊來往梭巡以壯聲勢現蒙古各王旗均懇留兵彈壓情詞懇摯請將續調出口之副將呂本元馬隊五營暫留駐巡等語臣查赤峰北接圍場東連平建一帶山谷深阻皆日前大股賊匪麇集之區現在雖已勦平而保衛蒙部撫恤難民禁止仇殺查辦餘匪一切善後各事必須有得力騎將以資鎮攝熱河兵力本單且須守衛園庭恐難兼顧呂本元所部馬隊原係海防得力之軍現值封凍期內自可暫行留駐因與葉志超商定檄派呂本元以一營駐赤

峰縣街一營駐縣北之烏丹城一營駐建昌縣北之札薩克王府
一營駐平泉州北之西橋一營駐平建交界之黑水海棠川與聶
士成等留防各營互相聯絡會哨於地方賑撫緝捕事宜協同料
理並令嚴明紀律綏輯蒙民俟來歲春融耕作復業民情靜謐再
行酌量撤回除咨熱河都統查照外理合附片陳明伏乞

聖鑒訓示謹

奏

各省官紳助賑彙獎片

光緒十七年十二月十九日

再查去夏順直被災辦理工賑款無所出經臣奏明開辦賑捐並函電各省將軍督撫臣飭屬廣爲勸募以資接濟業於上年十一月間將倡捐出力之奉天將軍臣裕祿等奏請交部從優議敘奉旨允准在案茲查各省官紳捐款除曾經奏明請獎不計外尙有吉林將軍臣長順捐銀二千兩荊州將軍臣祥亨捐銀一千兩陝甘總督臣楊昌濬捐銀一千兩東河總督臣許振禕捐銀一千兩甘肅提督臣周達武捐銀一千兩荊州左翼副都統臣瑞興右翼副都統臣德祿各捐銀五百兩署甘肅甯夏鎮總兵李培榮捐銀一千兩均係於率屬勸辦之外自行捐助並據聲稱不敢仰邀獎敘等情臣查去年順直水災之重爲數十年所未有工撫兩項需款浩繁直省爲缺額之區司局各庫支絀異常賴各省疆臣念係

畿輔重地無不竭力勸籌多方濟助俾賑款得以應手全活災黎
無算洵屬公忠體

國慷慨恤鄰有裨於大局匪淺雖據聲稱不敢邀獎而其急公好
善之誠實難泯沒相應仰懇

天恩俯准該將軍等所捐之款

敕部核給獎敘並准其移獎子弟以示鼓勵出自

慈施逾格至此此外各省官紳捐款如有業經彙報尙未請獎者俟
查明再行具奏謹附片陳請伏乞

聖鑒訓示謹

奏

李文忠公奏稿卷七十三